


8782

947.925
L-61



ՀԱՅՐԱՆԻ ԳՐԱԳՐԱԿԱՆ ԿՈՒՆԱԿԱՆ ԵՐԿՐԱՆ

Հ. Գ. Գրադարան

ԵՐ ԿՒՆԱԿԱՆ

1001
1861

ՀԱՅՐԱՆԻ ԳՐԱԳՐԱԿԱՆ ԿՈՒՆԱԿԱՆ ԵՐԿՐԱՆ

ՀԱՅՐԱՆԻ ԳՐԱԳՐԱԿԱՆ ԿՈՒՆԱԿԱՆ ԵՐԿՐԱՆ

ՀԱՅՐԱՆԻ ԳՐԱԳՐԱԿԱՆ ԿՈՒՆԱԿԱՆ ԵՐԿՐԱՆ

8282

9(47.925)

4-61

sm

ՍՏ. ԼԻՍԻՑԵՆ

05 SEP 2

31 AUG 2007



ՀԱՅՐԵՆԻ ԱՌԱՍՊԵԼՆԵՐԻՑ ԵՒ ՎԷՊԵՐԻՑ

ՊԱՏՄԻԱԾՔՆԵՐ ՀԱՅՈՑ ՊԱՏՄՈՒԹԻՒՆԻՑ

1001
1863

չ

(Ծխական դպրոցների Գ. բաժանմունքի նիւթ)



ԹԻՖԼԻՍ

Թիֆլիս, տպարան «Հերմէս» Ս. Գ. Եղիզարեանի, Մաղաթեան փ. 5.
1907

03 MAY 2003

01 MAY 2003

ՀԻՊՈՒԿՆԵՐԻ ԿՐԻՍԻՍԻՍ

Իմ այս պատմածները կուգենայի հիմնովին վերա-
մշակված արձակագրի «ՀԱՍԿԵՐ» ամսագրից, բայց այս
սարի անկարող եղայ այդ անել, ու սիայն հետեւելով
ուսուցիչներից շատերի առաջարկին՝ արձակագրում գրեթէ
անփոփոխ:

Յաջորդ հրատարակութեան համար կաշխատեմ վե-
րամշակել ամբողջ նիւթը եւ յարմարեցնել դպրոցական
դասաւանդման, իսկ նաեւ ՄԱՆԿԱՎԱՐԺԱԿԱՆ ՈՒ-
ՂԵՑՈՅՑ ուսուցիչների համար:



Գ Ո Ւ Ս Ս Ե

Նաւասարդի տօնն է. նոր տարի է: Մըջիւնների
պէս վիստում են ուխտաւորները Բագրևանդ զաւառի Բագա-
ւանում և շերմ երախտագիտութեամբ փառաբանում են
Վանատուր աստծուն: Նրանք հաւաքել են հեռու տեղե-
րից, որ նւիրական մեհեանում (հեթանոսական տաճարում)
սրտաբուլիս զոհերով պատեն Ամենաբեր աստծուն, որը
առատ հունձ է պարգևել արտերին և լիութիւն է տւել
այգիներին:

Ծագիկներով և նորահաս պտուղներով զարդարւած է
կուռքի սեղանը. երկարագգեստ բուրմերը (հեթանոս քա-
հանաները) անուշահոտ խունկ են ծխում, զոհեր են մա-
տուցանում և շրնեղեղի յիշատակին շուր են սրսկում ժո-
ղովրդի վրա ու աղանիներ թոցնում: Ամբոխը հեռուում է
նրանց օրինակին: Էլ մարդ չը մնաց չը թըշւած. հազարա-
ւոր ձեռներից վեր են սլանում փռուլով անհամար աղա-
նիներ, սպիտակ թաշկինակների պէս պտտում են վե-
րում և երամակներ կազմում: Նրանց հետ վեր են համ-
բանում ժողովրդի աղօթքները, որ աստուածութիւնը
բարով նորոգի այս տարին և լինի բարի «ամանոր»:

Թանձր ծուխ է կանգնած օդի մէջ այրւող զոհերից
և մառախուղի պէս փռում է գետնին: Փողը փչում է
այս ու այն տեղ և թմբուկը թնդում է հարւածներից: Չի-
երի խրխնջոցը միախառնւում է մարդկանց երգերի և կան-
չերի հետ, ուրախութիւն և ցնծութիւն է ամեն սայլի մօտ,
ամեն վրանի տակ:

Հորիզոնի վրա, սպիտակափառ Մասիսի զագաթին, հա-
զարաւոր կայծերով պսպղում է ձիւնը աշնանամուտ արևի

Թեք ճառագայթներից: Դիմացը բազմած է լայնանիստ նըպատ լեռը, որի ստորոտից դուրս է վազում կայտառ Արածանին (կամ Հայկական Եփրատը, այժմ Մուրադ չայ): Օձի պէս սողալով՝ գետակը քսում է Բագաւանի եղերքին և ուրբուում փախչում է դէպի Տարօնի դաշտը, որ յետոյ գրկւի փրփրալից Մեծ Եփրատի հետ ու զնայ խառնւի Պարսից ծոցի ալիքների հետ:

Նախարարներն էլ (ազնւական իշխանները). թագաւորն էլ իրենց ընտանիքներով եկել են տօնին: Մեհեանից ոչ հեռու, բաց դաշտի մէջ, ձգւած է սրբունի բանակը, խոր խրամատով շրջապատւած, և մէջտեղում, լայն հրապարակի վրա, երկար տարածութիւնով ուրիշ վրաններից բաժանւած, առանձնացած կանգնած է արքայական գունաւոր խորանը (վրանը)՝ իր բազմաթիւ բաժանմունքներով: Բանակի մուտքերի մօտ արթուն պահապանները վահաններն իջեցրած՝ կրթնել են երկար նիզակներին և նախանձով նայում են իրանց ազատ ընկերներին, որոնց պըղնձէ սաղաւարտները պսպղում են այս ու այնտեղ ժողովրդի միջից: Նախարարների տղաները միասին հաւաքւած խաղեր են սարքում աստծու պատւին և ցոյց են տալիս իրենց ձեռքի և աչքի հմտութիւնը. նրանք նետեր են արձակում, նիզակ են ձգում, արշաւանքի մէջ են մըրցում: Ազնւատոհմ կանայք պար են բռնել և շլացնում են իրենց դէմքի գեղեցկութիւնով, անթիւ զոհարներով և ճակատի ոսկիներով, նրանք էլ երգում են Վանատուրի փառքը:

Շքեղ է թագաւորի բանակը, աչք են կուրացնում նրա գրօշակների թևատարած արծիւները. մեծ է նրա գօրութիւնը և հարստութիւնը, բայց այդ բոլորին «ամենաբեր, ամանոր Վանատուրն» է ամենքի սրտերին իշխում, նրա փառքն է ամենքին հրապուրում: Այս և այնտեղ, ամբօխի մէջ լսում է ոգևորւած «գուսանի» (երգչի, աշուղի) բաղջը ձայնը, որ պատմում է աստծու արարքները շըրջան կազմած հայրենակիցներին: «Բամբիոր» (նւագարան) ձեռին նա զարկում է մետաղէ լարերին և խորհրդաւոր

ձայնով երգում է առասպելը ¹⁾ աշխարհի սկզբնաւորութեան և առաջին մարդու, ջրհեղեղի և Քսիսուլթրի (Նոյի) մասին:

Նա պատմում է թէ ինչպէս զարհուրելի ջրհեղեղից յետոյ, երբ արար աշխարհքը կործանւել էր ու դարձել կարծես մի անծայր ովկիանոս, մի սողացածուկ եկաւ առաջը կտրեց ու կանգնեցրեց տապանը կորզւաց լեռների Արարադ լգագաթին:

Պատմում է թէ ինչպէս Քսիսուլթրը ջրհեղեղից յետոյ, զոհաբերութեան ժամանակ, կենդանի վերացաւ իր կնոջ ու նաւապետի հետ աստուածների մօտ և յաւիտեանանմահ ապրում է Եփրատի (Արածանիի) և Տիգրիսի ափունքների մօտ, անա այնտեղ, Մասիսի գագաթին:

Երգիչը պատմում է թէ ինչպէս Քսիսուլթրի որդիք — Զրւան, Տիտան և Յապետոսթէ (Սեմ, Քամ և Յաբէթ) բաժանեցին աշխարհքը իրար մէջ, բայց Զրւանը զւգեց ամենքի վրա բռնանալ, վերջն էլ թագաւորեցնել իր որդոցը: Բայց եղբայրները ընդդիմացան նրան, և սկսեց նրանց մէջ մի սոսկալի կռիւ: Քոյրը, Ասողիկը, մէջ մըտաւ, դադարեցրեց աղմուկը և կրտսեր եղբայրներին համոզեց, որ աւագը, Զրւանը, թագաւորի, միայն այն պայմանով, որ նրա մահից յետոյ՝ գաւակներին չանցնի այդ թագաւորութիւնը: Այն ժամանակ Տիտանեաններից հզօր հսկաներ դրին պահապան Զրւանի տանը, որ արու զաւակ ծնւի թէ չէ՝ սպանեն: Այսպէս երկու մանուկ սպանեցին: Ասողիկը վերջապէս համոզեց Տիտանեաններից մի քանիսին, և նրանք յօժարւեցին կենդանի թողնել այնուհետև ծնւածներին, միայն թէ տանեն հեռու արևմուտք դէն ձգեն: Այն լեռը, որտեղ ձգում էին Զրւանի որդոց, կոչւեց Դիւցընկէց ²⁾:

¹⁾ Առասպել—աստուածների և դիւցազների մասին զրոյց կամ պատմութիւն:

²⁾ Դի կամ դիք—աստուած: «Դիւցընկէց» — աստուածներին դէն ձգելու տեղ:

Այսպէս էր երգում երգիչը և ունկնդիրները ուշադրութեամբ ահանջ էին դնում նրա խօսքերին, խրախուսում էին նրան բարձրաձայն կանչերով ու հետը պարում:

Միայն Նաւասարդի տօնին չէր, որ երգում էր գուսանը: Ամեն մեհենական տօնախմբութեան, ամեն խնջոյքի, թագաւորի պալատում թէ իշխանների ամրոցներում, որսից յետոյ՝ անտառում թէ դաշտում, ամեն զիւղական հարսանիքին, հնձից յետոյ, ձմեռայ երկար անգործ երեկոները—ամեն առիթով հնչում էր նրա քաղցրալուր բամբիւր: Ժողովուրդը առատ պարգևատրում էր նրան, ու հաւատում թէ այդ շնորհքը տւել է նրան Վահագն աստուածը:

Նա երգում էր հրաշալի առասպելներ աստուածների և նրանց զաւակների մասին ու գեղեցիկ վէպեր հայրենի հերոսների մասին: Նա հպարտութեամբ փառաբանում էր Հայկի ազատասիրութիւնն և Արամի քաջութիւնը, գովում էր Արայի պարկեշտութիւնը և Արաաշէսի շինարարութիւնը, անէծք էր թափում վիշապների ծնունդ, նախանձոտ, նենգամիտ Արտաւազդի գլխին, ու վիպասանի խօսքերը խորը գրոշմուճ էին հայերի մտքերում ու որդէցորդի անցնում էին, երբեմն աւելի գեղեցկանալով, երբեմն էլ խառնաշփոթւելով: Այդ աւանդութիւններից էր միայն իմանում Հայաստանի զաւակը իր աստուածների, նահապետների և թագաւորների մասին, քանի որ դեռ գրել կարգալ չը գիտէր, մինչև քրիստոնեայ դառնալը:

Բայց յետոյ էլ, երբ քրիստոնէութեան հաստատւելովը շատերը գիր սովորեցին և սկսեցին մատենանների (գրքերի) մէջ նշանակել ազգի սև ու կարմիր օրերը, այդ ժամանակ էլ երգը չը լսեց: Հիմա էլ մեր երկրի այս ու այն անկիւնում աշուղը պատմում է անցած գնացած մեծագործութիւնները: Բայց շատ բան արդէն անդարձ մոռացւել է, շատ բան դարերի հետ փոփոխւել աղաւաղւել է:

Նա կը պատմեմ ձեզ այդ հայրենի առասպելներից և վէպերից մի քանիսը:



I


ՀԱՅԿ ԵՒ ԲԷԼ

Ահեղ և երևելի էին առաջին աստուածները. նրանք էին աշխարհի մեծամեծ բարիքների պատճառը, նրանք ստեղծեցին աշխարհն ու մարդուն: Նրանցից ծագեց յաղթանգամ, վիթխարի ու անհեթեթ հսկաների ցեղը, որոնց մէջ ծնւեց աշտարակաշինութեան ամբարիշտ, ամբարտաւան միտքը: Նա երբ նրանք զբաղւած էին աշտարակաշինութեամբ, մի ահագին հողմ բարձրացաւ աստուածների ցասումից, քանդեց, ցրիւ տւեց աշտարակը, և անլուր բառբառներ բաշխեց նրանցից ամեն մէկին: Ադմուկ և շփոթութիւն ընկաւ մէջները: Այդ հսկաներից մէկն էր և Յապետութեան ¹⁾ Հայկը, անւանի ու քաջ նահապետը, ամրակազմ ու հաստաբազուկ դիւցազնը, զանգուր մագերով և զւարթ աչքերով աղեղնաւորը: Նա ընդգիմացաւ ամենքին, որոնք կամենում էին ստրկացնել ուրիշ ազգերը և բռնի ուժով միապետ դառնալ դիւցազների մէջ: Նա աներկիւղ ձեռք բարձրացրեց և Տիտանեան Բէլի դէմ, որը արդէն շատերին էր իրեն հնազանդեցրել զօրութեամբ և խորամանկութեամբ:

Բայց բախտը աշողեց գոռոզ Բէլին, և նա տիրեց ամենքին: Բոլոր ազգերը կատարում էին նրա հրամանները, երկրպագում էին նրան և զոհ մատուցանում:

Միայն Թորգոմի որդին, ազատասէր Հայկն էր, որ չուզեց նրան ծառայել և Աստուծու տեղ պաշտել: Նա չուարաւ գնաց Բաբելոնի կողմերից դէպի հիւսիս, դէպի Ա-

¹⁾ Յապետութէի ցեղից:



քերի շատութիւնը, կարգուսր փախաւ՝ առջևից սուրհանգակ ուղարկելով Հայկին նախագգուշացներու.

— Իմացիր, ով մեծդ դիւցազների մէջ, որ Բէլը գալիս է քեզ վրա անմահ քաջերով և երկարահասակ հրսկաներով: Նա արդէն հասել է իմ տան հողերին, և ես ինքս կնոջս և զաւակներիս հետ փախստական ահա գալիս եմ քեզ մօտ: Շտապիր, մտածիր, ինչ որ անելու ես, արահ:

«Ուշիմ, խոհեմ, քաջագանգուր և խայտակն» Հայկը իսկոյն ժողովեց իր բոլոր որդիներին և թոռներին, քաջ և աղեղնաւոր հսկաներին, նոյնպէս և ծառաներին և առհասարակ իր ձեռքի տակ եղածներին, և անվեհեր ընդառաջ գնաց, թէև թուով իրենք քչուր էին: Երբ նրանք հասան Ադի ծովի ափին, Հայկը կանգնեցրեց իր սակաւաթիւ զօրքը և ասաւ.

— Ո՛վ ազատասէր Թորգոմեաններ, ձեզնից ո՞վ կուզէ ստրուկ թաւալել զոռոգամիտ Բէլի ոտների տակ: Յարձակւենք հէնց այնտեղ, ուր կանգնած կը լինի բռնակալը իր քաջերի բազմութեան մէջ: Թող կամ փառքով ամենքս մեռնենք ու չը տեսնենք մեր աչքերով, ինչպէս Բէլը ծառայ կը տանի մեր գերդաստանը, կամ ցոյց տանք նրան մեր մասնների աջողութիւնը, ցրւենք նրա խառնիճադանձ ստրուկ ամբոխը և ապրենք իբրև յաղթողներ:

Այսպէս խօսեց Հայկը և առաջ տարաւ իր կարիճներին այլ ևս մէկ ասպարէզ, մինչև որ հասաւ մի դաշտաձև հովիտ բարձր լեռների մէջ: Բարձրավանդակի միջով վազում էր մի գետակ: Նոր էր Հայկը ամրացել աջ ափին, որ նրա մարդիկ, երեսները վեր բարձրացնելով, տեսան դիմացի լեռան լանջով իջնում է թշնամին: Կարծես մի հեղեղ, յանգուզն յորձանքով ցիր ու ցան վայր էր սահում Բէլի անկարգ զօրութիւնը, իսկ ինքը Բէլը, յոյսը դրած իր զօրավարների քաջութեան և ոյժի վրա, անհամբերութիւնից առաջ էր ընկել: Նա կանգնած էր արդէն գե-

տակի ձախ ափին մի բլրակի վրա և, մի քանի ընտիր հսկաներով շրջապատւած, իբրև մի դիտանոցից դիտում էր գոռոզ և հպարտ, և մեծ տարածութիւն էր նրա ու ետ մնացած ամբոխի մէջ: Իսկոյն ձանաչեց Հայկը նրա գինավառ խումբը և իրեն՝ բռնակալին: Բէլը հագած ունէր երկաթէ գլխանոց պսպլուն ծայրերով, լանջին և թիկունքին՝ պղնձէ տախտակներ, ոտների բարձերին և բազուկներին՝ պահպանակներ, մէջքին կապած էր դօտի և ձախ կողքից կախած էր երկսայրի սուրը, աջ ձեռքին էր ամուր նիզակ, իսկ ձախ ձեռքին՝ վահան, և ընտիր-ընտիր սղամարդիկ կանգնած էին աջ և ձախ կողմում: Այս որ տեսաւ Հայկը, շտապեց կարգի դնել իր սակաւաթիւ զօրքը. նա Արմենակին երկու եղբայրներով կանգնեցրեց աջ, իսկ Կազմոսին ուրիշ երկու որդիների հետ ձախ կողմից, ինքն էլ անցաւ ամենքի գլուխը, իսկ մնացածներին շարեց ետև. այսպէս եռանկիւնի ձևով կազմեց իր գունդը և հանդարտ դիմեց առաջ:


Կանգ առաւ մի փոքր Հայկը և հեռւից կանչեց Բէլին.
— Ի՞նչ ես ընկել ետևիցս և այստեղ եկել: Իարձիր, դնա՛ քո տեղը, եթէ ոչ՝ կը մեռնես դու այսօր իմ ձեռքից: Մի՞թէ մոռացել ես որ իմ նետը երբէք չէ վրիպում: Պատասխանեց Բէլն և ասաւ.

— Եթէ չես ուզում ընկնել իմ մանուկ գինակրիս ձեռքը և մեռնել նրա սրից, եկ քո կամքով մտիր իմ իշխանութեան տակ և կացիր խաղաղութեամբ իմ տան մէջ: Ես կը շինեմ քեզ վարիչ իմ որսորդ տղաների և որսի շների:

Չը համբերեց Հայկը և սկսեց հայհոյել.
— Շուն ես դու և շների երամակիցն էք դու և քո ժողովուրդը: Այս է գալիս եմ, որ դատարկեմ քեզ վրա իմ կապարձը:

Եւ իրար խառնեցին երկու կողմերի հսկաները. ահագին դղրդիւն բարձրացաւ երկրի վրա նրանց ընդհարումից և ահ ու սարսափ էին ձգում նրանք միմեանց

սրտերի մէջ իրենց յարձակումներով: Քիչ հսկաներ չը կործանուեցին և գետին տապալուեցին այստեղ դիպչելով սրի բերանին, և ոչ մէկի, ոչ միւսի կողմը չէր յաղթում: Տարակուսեց և զարհուրեց Բէլը այս անսպասելի դիպածից և սկսեց ետուետ քաշել, բարձրանալ այն բլուրը, որտեղից իջել էր: Նա մտադիր էր ամբանալ այնտեղ իր ընտիր գնդի հետ, մինչև որ հասնէր մնացած զօրութիւնը, և այնուհետև միւս անգամ նորոգել կռիւը:



Ռոսի-վերակացուն բաց է բազում ճեղքի երամակը

Հայկը իսկոյն հասկացաւ նրա միտքը. նա առաջ նետուեց, մօտ հասաւ ազգերի հրամանատարին, լի քաշեց իր լայնալիճ ամուր աղեղը և դիպցրեց երեքթևեան նետը հէնց նրա կրծքին: Ծակեց նետը կրծքի պղնձէ տախտակը, գուրս եկաւ շեշտակի թիկունքի մէջտեղից և խորը ցցեց դետնի մէջ: Երկրին զարկեց պարծենկոտ Տիտանեանը և շունչը փչեց, իսկ նրա գունդն ու ամբօխը՝ տեսնելով

քաջութեան այս ահագին գործը, սարսափահաբ փախան դէս ու դէն: Հայկի մարդիկ ընկան ետեից և խլեցին նրանց ձեռքից անթիւ ձիեր, ջորիներ և ուղտեր—ամբողջ երամակներ:

Իր յաղթութեան յիշատակին Հայկը շինեց կուռ դաշտում մի դաստակերտ (գիւղ) և անւանեց Հայք. այդ պատճառով վերջը դաւան էլ կոչուեց Հայոց ձոր, իսկ այն բլուրը, ուր ընկաւ Բէլը, Հայկն անւանեց Պերեգման: Բէլի մարմինը նա պատել տւեց դեղերով և հրամայեց տանել Հարք և թաղել մի բարձր լեռան վրա, որ կանայք և որդիք միշտ տեսնեն իրենց ամուսինների և հայրերի քաջութիւնը:

Մինչև այսօր էլ Վանայ ծովի հարաւ-արևմտեան ափին, Նեմրութ լեռան մօտ, դաշտի մէջ, ցոյց են տալիս մի երկար շարք կանգնած կամ պառկած սև քարերի, որ ձգւում են դէպի լեռը: Հեռուից մութ ժամանակ այնպէս է թւում՝ իբր թէ մի կարաւան է այդ, իբր թէ մարդիկ և ուղտեր են: Տեղացիք «Բէլի ուղտեր և ուղտապաններ» են ասում այդ քարերին և պատմում են, որ Հայկը սպանելով Բէլին, նրա դիակը հանել է տւել Նեմրութի դազաթը. այնտեղ նա փորել է մի թոնիր և այդ թոնրի մէջ կախել է դիակն ու վառել: Աստծու հրամանով այն կրակը ջուր է կտրւել, դիակի մոխիրը տակն է իջել, որ քամին չը տանի չը ցրւի: Բէլի մարդիկն և ուղտերն էլ երկիւղից քար են դառել: Մինչև այսօր էլ թոնիրն ու ջուրը կայ, և այդ ջուրն է, որ տեղացոց ասելով՝ սարի տակից շարունակ բղխում է և կազմում է Մեղրագետը ¹⁾:

Պատերազմի աւարից Հայկը մեծ բաժին հանեց իր թոռ Կադմոսին, տանու ծառաներից էլ անւանի մարդիկ պարզեց նրան, որ ժամանակին իրեն նախագգուշացրել էր Բէլի մօտենալու մասին, և պատւիրեց գնալ նախկին բնակութեան տեղը, Կորդուաց աշխարհը, իսկ ինքը վերա-

¹⁾ Նեմրութը—մարած հրաբուլիս է:

դարձաւ Հայկաշէն, ուր շատ տարիներ ապրելուց յետոյ մեռաւ. մահից առաջ նա իր ամբողջ ազգը Արմենակ աւագ որդուն յանձնեց:

Հայկի անունով է մեր ժողովուրդը կոչուել հայ, իսկ բովանդակ երկիրը Հայք կամ Հայաստան:


II

Ա Ր Ա Մ

Հայկի մահից յետոյ նրա որդիք սկսեցին ցրւել զանազան կողմեր: Արմենակը իր եղբայրներին*) տւաւ Հարբը, իսկ ինքը իր ընտանիքով քաշւեց դէպի հիւսիս-արևելք, Արածանի գետի հոսանքով: Նա անցաւ բարձր լեռների միւս կողմը, և նրա առաջ բացւեց մի հրաշալի հովիտ, որն իր ընդարձակութեամբ ձգւում տարածւում էր արևմուտքից դէպի արևելք: Դաշտը շրջապատւած էր լեռների շղթաներով. նրանց ստորոտից բոխում էին խտակ, ականակիտ աղբիւրներ և կազմում բազմաթիւ գետակներ: Գետակները հեզութեամբ սահում էին լեռների տակերով, դաշտի ափերով և վերջը իրար հետ զրկախառնւում էին ու դառնում մի մեծ գետ, և դետը հետզհետէ ուռչում լայնանում էր և մի ցոլացող ոսկէ գօտու պէս գօտուորում էր հովիտը արևմուտքից դէպի արևելք:

Դաշտի հարաւային կողմում, կախձես մի ձերուռի երիտասարդ լեռների մէջ, նստած էր մի սպիտակափառ ձիւնապատ լեռ: Նա բուսել էր երկրից ուղղակի դէպի վեր, միայն մի տեղ մի փոքր կոտրւելով, և ամենից վեր էր բարձրացրել իր սրածայր գագաթը: Նրա գլիմացը, հիւսիսում, լայն փուսել էր մի ուրիշ ձիւնապատ լեռ, որի գագաթը իր չորս ցից-ցից ծայրերով բարձի վրա զրւած թագի էր նմանում:

*) Այդ եղբայրներից մէկի որդին էր Բագը, որի անունով Ադի ծովը կոչւեց Բգնունեաց (Վանայ) ծով:



Արմենակը իջաւ այդ խոր հովիտը, անցաւ մեծ գետի միւս ափը ու բնակեց այնտեղ հիւսիսային լեռան ստորոտում: Իր անունով նա լեռը կոչեց Արագած, իսկ իր կալածքը Արագածոսն: Այդ հովտումն էլ շատ տեղ նա գտաւ առաջուց ցրեած մարդկանց և իրեն հնազանդեցրեց:

Արմենակի որդին՝ Արմայիսը հօր մահից յետոյ շինեց մեծ գետի ափին մի բլրի վրա Արմախ աւանը. այս տեղը յետոյ ամուր քաղաք դառաւ: Այստեղ ապրեցին երկար ժամանակ Հայկի յաջորդները, ազգի նահապետները: Իր Արաստ թոռան անունով Արմայիսը գետը կոչեց Երասխ:

Արմայիսը ունէր մի շատակեր ու բազմածին որդի, որի անունն էր Շարայ. սրան նա իր մօտից հեռացրեց և տուն ու տեղով ուղարկեց Արագածի միւս կողմը, այն բարեբեր և արգաւանդ դաշտը, որ մինչև հիմա էլ հռչակեւած է իր առատ հունձով: Շարայի անունով այս դաշտը կոչեց Շիրակ: Այնուհետև դեռ երկար ժամանակ հայ գիւղացիք, երբ հանդիպում էին մի շատակերի, ասում էին. «Թէ քո որկորը Շարայի որկորն է, մեր ամբարները Շիրակի ամբարները չեն», այսինքն՝ թէ մենք քեզ պահելու համար Շիրակի ամբարները չունենք:

Ամեն նահապետ այն ժամանակներում իր ամբողջ կալածքը տալիս էր աւագ որդուն, իսկ միւս որդոց համար դեռ կենդանութեան օրով նոր և նոր հողեր էր գրտնում ու շէնացնում: Այսպէս և Արմայիսի որդի Ամասիան Արմախիւրը աւագ որդի՝ Գեղամին թողեց, իսկ կրտսերներին վերցրեց տարաւ Երասխի միւս կողմը, դէպի հարաւային սպիտակափառ լեռը: Այստեղ նա շինեց նրանց համար գիւղեր, իսկ լեռը իր անունով կոչեց Մասիս:

Գեղամին էլ, երբ հօր մահից յետոյ ազգի նահապետ դառաւ, Արմախիւրը տւաւ իր որդի Հարմային, իսկ ինքը գնաց Ազատ գետով դէպի արևելահիւսիս: Նա մի լեռ անցաւ և հասաւ մի քաղցրաջուր ծովակի, որի մէջ շատ կարմրախայտ ձկներ կան, լեռան անունը նա դրաւ Գեղ, իսկ ծովափինը՝ Գեղախուճի, ծովն էլ կոչեց Գեղամայ ծով

(այժմ Սևանայ ծով): Այստեղ ծնւեց նրան Սիսակ որդի, որ մի ամրակազմ, գեղեցիկ, ճարտարասուս և քաջ աղեղնաւոր էր: Սրան Գեղամը ընծայեց իր ունեցածի մեծ մասը և բազմաթիւ ծառաներ ու ժառանգութեան բաժին կտրեց ծովակից մինչև այն դաշտը, որտեղ Երասխը՝ անցնելով նեղ տեղերով, քարքարոտ լեռների միջից, անագին դղրդիւնով իջնում խառնւում է կուր գետի հետ: Այս երկիրը Սիսակը լցրեց շինութիւններով: Արևելեան հարևանները, պարսիկները նրա անունով այս աշխարհը կոչեցին Սիսական, իսկ հայերը ասում էին Սիւնիք:

Այսպէս իրար ետեից Հայկին յաջորդեցին հինգ նահապետներ. սրանց օրով հայոց ազգը ցրեց բնակեց Արածանու և Երասխի հովիտներում, և իրեն հնազանդեցրեց առաջուց այստեղ եկած մարդկանց:

Բայց հէնց այն ժամանակ, երբ հայերը բազմանում և ուժեղանում էին Հայաստանում, հարևան երկիրներումն էլ ուժեղանում էին ուրիշ ազգեր: Նրանք աչքը ձգեցին և Հայոց աշխարհի վրա: Արևելքից, հարաւից, արևմուտքից գլուխ բարձրացրին օտար իշխաններ և սկսեցին ոտնակոխ անել հայոց հողերը:

Այդ ժամանակ արդէն նահապետ էր Հարմայի որդի Արամը:

Արամը, այդ աշխատասէր և հայրենասէր քաջը, լաւ էր համարում մեռնել իր պապերի թողած ժառանգութեան համար, քան թէ կենդանի աչքով տեսնել թէ ինչպէս օտարազգիների որդիք կոխտում աւերում էին հայրենի սահմանները և ստրկացնում, ծառայեցնում էին իր ազգականներին, իր արիւնակից հարազատներին: Արամը քաջութեան այնպիսի գործեր կատարեց, այնքան պատերազմների մէջ յաղթեց, այնպէս ընդարձակեց Հայոց աշխարհը ամեն կողմից, որ նրա անունը յայտնի եղաւ ամեն ազգերի մէջ և օտարները նրա անունով հայերին արմեն, իսկ Հայաստանը Արմենիա կոչեցին:

1001
1883



Մօտ երկու տարի էր, որ արևելքից, Երասխի միւս կողմից, մտել էին մեղացի երիտասարդները: Նրանց առաջնորդն էր մի ոմն Նիւքար Մադէս, մի գոռոզ և պատերազմասէր մարդ: Այդ վայրենիները իրենց ձիերով ամբակակոխ էին անում հայոց հողերը և ստրկացնում հայերին: Արամը ժողովեց իր ազգակաւներից քառասուն հազար կըտրիճ տղամարդ, բոլորն էլ քաջ աղեղնաւոր, ուժեղ, աջողածեռն ու վայելչակազմ երիտասարդներ: Նա յանկարծակի յարձակեց Նիւքար Մադէսի ու մեղացիների վրա և առաջ քան արեգակը ծագեց, կոտորեց այդ վայրենի բազմութիւնը, հէնց իրան Նիւքար Մադէսին էլ բռնեց և ուղարկեց Արմաւիր: Արամը հրամայեց մեխել Նիւքարին ճակատից պարիսպի աշտարակի ծայրին, որ ամեն անցորդ, եկող գնացող տեսնի թէ ինչպէս է վրէժխնդիր լինում Արամը իր հայրենի հողը կոխոտողներից: Այնուհետև նա ինքն է հարկի տակ գնում մեղացոց ամբողջ երկիրը:

Այս յաղթութիւնը տանելուց յետոյ, Արամը նոյն գօրքով խաղաց դէպի հարաւ, որովհետև այնտեղ էլ կար հայոց երկրի մի ասպատակիչ: Դա հսկաների ցեղից Բարշամ անունով մէկն էր: Քառասուն հազար հետևակ և հինգ հազար հեծեալ մարդկանցով Բարշամը մտել էր Կորդուաց աշխարհից այս կողմ, սաստիկ նեղում էր անողորմ հարկերով հայերին և անապատ էր դարձրել ամբողջ շրջակայքը: Արամը նրա հետ ճակատեց, կռի մէջ յաղթեց նրան ու հալածեց Կորդուաց երկրի միջով մինչև Ասորեստանի դաշտը: Թշնամիներից շատերը հայերի սրից ընկան, իսկ Բարշամը սպանւեց, հանդիպելով Արամի զինակիրներին: Բայց ասորեստանցիք չը հաւատացին որ Բարշամի պէս քաջ և ուժեղ մարդը կարող էր մեռնել, և շատ դար ասածու տեղ էին պաշտում նրան: Այստեղ էլ Արամը ասորեստանցոց երկրի մի մասը իրեն հնազանդեցրեց և երկար ժամանակ այս կողմերից հարկ առաւ:

Այսպէս նա ոչնչացրեց երկու թշնամիներին: Բայց ամենից վտանգաւորն էր Պայապիս Քաղեայ, որը բռնել էր

ամբողջ Կապադովկիան, Պոնտոսից (Սև ծովից) սինչև Միջերկրական ծովը: Այս Տիտանեանը այնքան ուժեղ էր, որ Արամը յոյս չունէր նրան շուտով յաղթելու: Ուստի նա արևելեան սահմանների պաշտպանութիւնը յանձնեց Սիսակեաններին, իսկ հարաւային սահմանները՝ Կարմեաններին, որ այդ կողմերից ապահով լինի, աւելացրեց իր նախկին գօրութեան վրա այլ ևս քառասուն հազար հետևակ և երկու հազար հեծեալ ու միայն այսպիսի պատրաստութիւն տեսնելով՝ գնաց դէպի արևմուտք, դէպի Փոքր Ասիա: Նա անցաւ Եփրատը, անցաւ և Տօրոսի շղթան ու վերջապէս պատահեց Պայապիսին: Կռի մէջ հսկաներ պատահեցին հսկաներին, բայց Պայապիսը այնպիսի ջարդ կրեց, որ գլուխը կորցրած, փախաւ մինչև ծովափ ու շտապեց անցնել մի կղզի. այնուհետև այլ ևս նրա անունը ոչ մի տեղ չը լսեց:

Պայապիսի աշխարհը Արամը միացրեց իր երկրի հետ և այնտեղ կառավարիչ նշանակեց Մշակին, իր ազգականներից մէկին, տալով նրան տասը հազար գօրք: Արմաւիր վերադառնալուց առաջ նա հրամայեց, որ այդ կողմերի բոլոր բնակիչները սովորեն հայերէն լեզուն և խօսեն հայերէն: Այդ է պատճառը, որ այդ աշխարհը վերջը անւանոււմ էր Առաջին Հայք: Սակայն այստեղի մարդիկ երբէք չը սովորեցին հայերէն լաւ խօսել: Մշակը Ալիւս գետից ոչ հեռու մի փոքրիկ պարսպապատ քաղաք շինեց և իր անունով կոչեց Մշակ, բայց տեղացիք չը կարողանալով ուղիղ հնչել ասում էին Մաժախ*):

Արամը այդ կողմերից սկսած մինչև բուն Հայաստանը, ամբողջ դատարկ տարածութիւնը լցրեց բնակիչներով, այնպէս որ այդ հողերը յետոյ կոչւեցին Երկրորդ, Երրորդ, Նոյն իսկ Չորրորդ Հայք:

Այլ ևս ուրիշ շատ մեծամեծ գործեր կատարեց Արամը, որոնց համար ամեն ազգ նրան գովաբանում էր:

*) Այս քաղաքը շատ յետոյ աւելի ընդարձակ շինւեց և կոչւեց Կեսարիա (այժմ Կայսարիէ):

Մէկը կար սակայն, որ չէր տանում նրա անունը. դա Նինոս թագաւորն էր: Նա, Տիգրիսի ձախ ափին շինելով Նինւէ քաղաքը, աշխատում էր իր իշխանութեան լուծը դնել բոլոր դրացի ազգերի վրա: Նինոսը լսել էր իր պապ Բէլի յաղթելը Հայկից և մտադիր էր վրէժխնդիր լինել նրա մահւան համար: Նա տարիներով մի յարմար դէպքի էր սպասում, որ արմատից ջնջի Հայկի ամբողջ ցեղը: Բայց Արամը շատ հզօր էր և քաջ: Նինոսի հոգու մէջ ծանր կասկած ընկաւ, չը լինի՞ թէ այդ պատերազմից վնասահասնի հէնց իր թագաւորութեանը: Ահա թէ ինչու նա ծածկեց իր չար մտադրութիւնը, մարդ ուղարկեց Արամի մօտ և իր գոռոզ անմտութեամբ հրամայեց որ Արամը անկասկած և աներկիւղ վարի իր իշխանութիւնը: Նա իրաւունք տւեց Արամին մարգարտէ վարսակալ (մագերի շուրջը կապուող գլխազարդ) կրելու և իրենից յետոյ աշխարհիս երեսին երկրորդը կոչւելու:

Այս Նինոսը այնքան հպարտ էր ու մեծամիտ, որ ստիպում էր որ իր հպատակները ամեն քաջագործութեան սկիզբը միայն իրեն համարեն և փառաբանեն միայն իր գործերը. նա այրել էր տալիս ամեն գիրք, որտեղ գովասանք էր գրւած լինում մէկ ուրիշի մասին: Բայց նրա բոլոր ջանքերին հակառակ՝ աշխատասէր և հայրենասէր Արամի անունը աւելի ու աւելի հեռու էր տարածւում, անցնում էր որդէց որդի և դեռ չէ մոռացւել մեր օրերում էլ:

III

ՇԱՄԻՐԱՄ ԵՒ ԱՐՍ. ԳԵՂԵՑԻԿ

Արամ նահապետի զօրութեան անունը այնքան մեծ էր, որ նոյն իսկ նրա մահից յետոյ Ասորեստանի աշխարհակալ թագաւոր Նինոսը չը համարձակեց Հայաստանի վրա գալ ու նրա որդի Արային էլ տւեց նոյն պատիւները, ինչ որ տւել էր Արամին: Այսպէս Արան էլ հօր պէս մարգարտէ վարսակալ էր կրում գլխին և կոչւում էր աշխարհիս երեսին երկրորդը Նինոսից յետոյ:

Բայց իր գեղեցկութեամբ նա աշխարհիս երեսին առաջինն էր:

Մարդ կամ, որ տեսնելով Արային չը հիանար նրա տեսքից: Ճանապարհորդներն ու երգիչները երկրից երկիր շրջելով՝ նրա աննման գեղեցկութեան գովասանքն էին անում: Արայի համբաւը հասաւ և Նինւէ քաղաքը: Նինոսի կին Շամիրամը, որի չքնաղ երեսով ու նուրբ կազմաւածքով պարծենում էին Ասորեստանի հպատակ ազգերը, իմացել էր նրա գեղեցկութեան մասին ու չէր կարողանում հանգիստ լսել նրա անունը: Շամիրամը անտես հալւում էր Արայի կարօտից, բայց քանի որ ամուսինը կենդանի էր, նա յայտնապէս ցոյց չէր տալիս իր սէրը: Բայց երբ Նինոսը մեռաւ կամ, ինչպէս շատերն ասում են, փախաւ Կրետէ կղզին իր խորամանկ կնոջ ձեռքից ու Շամիրամը սկսեց կառավարել երկիրը, քանի որ զաւակները դեռ մանկահասակ էին,—նա չը կարողացաւ այլ ևս թագցնել իր սրտի ցանկութիւնը, անհամար թանգագին նւէրներ ուղարկեց Արա Գեղեցկին ու դեսպանների բերանով ապսպրեց:

—Արա, եղի՛ր ինձ ամուսին, իսկ ես կը լինեմ քեզ կին: Քեզ կընծայեմ Նինոսի անասնման երկիրները, քեզ կը հնազանդւեն թագաւորները, իշխաններն ու մեծամեծները, և քո ստների փոշին կը համբուրեն: Եւ քեզից հզօր ոչ ոք չի լինի աշխարհի երեսին, ու կը փայլենք ես ու զու մեր զահի վրա երկու աստղերի պէս: Շտապիր ինձ մօտ, իմ աննման:

Այսպէս էր աղաչում Շամիրամը: Իսկ Արան, որ ամբողջ հոգով կապւած էր իր կին Նւարդի հետ, խստութեամբ արհամարհեց Շամիրամի պաղատանքն ու մերժեց գնալ Նինւէ:

Շատ անգամ գնացին եկան դեսպանները, աւելի ու աւելի շատ ոսկի և անգին ակներ բերելով, բայց ոչինչով չը կարողացան գրաւել Արայի սիրտը:

Դեսպանները վերադառնալով՝ զմայլւած փառաբանուր

էին Արայի գեղեցկութիւնը և նրանց խօսքերը լսելիս՝ Շամիրամը կսկծից ու կարօտից գրեթէ ուշաթափուում էր:

Այն ժամանակ նա վճռեց բռնութեամբ անել տալ Արային այն, ինչ որ չէր կարողանում անել տալ ընծաներով և աղաչանքներով, — ստիպել դառնալ իր ամուսինը: Նա հաւաքեց իր բազմալեզու ազգերից անթիւ զօրքեր ու շտապեց հասնել այն դաշտը, որը Արայի անունով կոչուում էր Այրարատ: Այստեղ նրա դէմ դուրս եկաւ Արան իր փոքրաթիւ մարդկանցով:

Շամիրամի միտքը Արային սպանելը չէր. ուստի նա կուից առաջ խիստ պատէր տաւ իր զօրապետներին.

— Չը լինի թէ սպանէք Արային: Ես կենդանի եմ ուզում նրան ունենալ: Կենդանի բռնեցէք և ինձ մօտ բեռէք նրան:

Բայց կուի տաք ժամանակ Ասորեստանի զինւորները չը կարողացան շոկել Արային քաջերի խմբի մէջ ու պատահմամբ նրան սպանեցին: Վշտից ցնցւեց Շամիրամը լսելով նրա մահը և զիակապուտներ ուղարկեց, որ որոնեն գտնեն ընկածների մէջ իր սիրելիի զիակը:

Արայի զիակը գտան ու բերին Շամիրամի ապարանքը. մեռած էլ նա գեղեցիկ աննման էր: Սուգ ու շիւան բարձրացրեց Շամիրամը ու չէր ուզում աչքերին հաւատալ: Մագերը փետելով նա ողբում էր և ասում որ անկարելի է որ այդպիսի գեղեցիկը երբ և իցէ մեռնի:

— Տարէք, մանուկներ (զինւորներ), տարէք այս զիակը իմ ապարանքի վերնատունը: Աղերսենք պաղատենք առ լեզներին*), որ գան կենդանացնեն գեղեցիկ Արային:

Երբ Արայի մարդիկ իմացան որ իրենց նահապետը սպանւել է և նրա զիակը գտնուում է թշնամու ձեռքին, նրանք չը տեսնւած անպատուութիւն համարեցին այդ ի-

*) Հեթանոսները թէ Ասորեստանում և թէ Հայաստանում հաւատացած էին, որ գոյութիւն ունեն առ լեզ կան արալեզ աստուածներ, որոնք շնորհից են ծնւել ու լիզելով կենդանացնում են պատերազմի մէջ ընկած քաջերին:

րենց ամբողջ ազգի համար ու մէկ մարդու պէս ոտքի կանգնեցին, պատրաստեցին Շամիրամի վրա յարձակւելու, որ Արայի մահւան վրէժը հանեն ու նրա զիակը խլեն: Շամիրամը դուրս եկաւ նրանց առաջ և ասաւ.

— Հրամայեցի իմ աստուածներին որ լիզեն Արայի վէրքերը, ու նա պիտի կենդանանայ:

Եւ մեր հեթանոս պապերը հաւատացնում էին, որ արդարև Արան կենդանացաւ:

Այն ժամանակ Շամիրամը հաւաքեց ամենքին ու բարձրաձայն յայտարարեց.

— Ողջացրին աստուածները Արայի վէրքը ու կենդանացրին նրան: Փառաւորւի նրանց անունը, որ մեր աղաչանքը կատարեցին, և թող աւելի պաշտելի լինեն նրանք այսուհետև մեր մէջ:

Եւ այդտեղ նա կանգնեցրեց առլեզներէ մի նոր արձան ու մեծամեծ զոհեր մատուցեց այդ արձանին: Իսկ Արային բռնի պահեց իր մօտ պալատում, մինչև իր մահը:—



Շամիրամը մի քանի ժամանակ մնաց այն դաշտում, որտեղ տեղի ունեցաւ կռիւը, ապա՝ երբ ամառը վրա հասաւ, նա անցաւ դէպի հարաւ և սկսեց զբօսնել լեռների ծաղկաւէտ հովիտներում ու դաշտերում: Նա հիանում էր երկրի գեղեցկութիւնից, օդի մաքրութիւնից, աղբիւրների խտակութիւնից, գետերի կարկաջահոսութիւնից և ասաւ.

— Արժէ որ մեզ պէս թագուհին իր համար մի քաղաք ու պալատ ունենայ այսպիսի բարեխառն օդի և մաքուր ջրերի մէջ, արժէ որ տարւայ չորրորդ մասը, ամառը, ամենայն զւարճութեամբ այստեղ անցկացնենք, իսկ մնացած հով եղանակները մեր Նինւէում:

Եւ շատ տեղեր ման եկաւ նա, մինչև որ եկաւ Աղի (Բզնունեաց) ծովի արևելեան ափը: Այստեղ ծովի ափին նա տեսաւ մի երկարաձիգ բլուր, որ տարածուում էր դէ-


պի արևելահիւսիս. բլրի հարաւային ծայրին ուղիղ գէպի երկինք, անշեղ բարձրանում էր մի քարսփայլո: Սրա ստորոտում՝ սարի արևելեան կողմով տարածւում էր մի դաշտաձև հովիտ, որը ծովի ափն իջնելիս՝ փոխւում էր ընդարձակ և գեղեցիկ ձորի: Սաբից թափւում էին բարեհամ ջրեր, որոնք վազում էին ձորակներով և միաւորւում՝ փառաւոր գետեր կազմում: Այս հովտաձև ձորի մէջ կային ցիր ու ցան շատ գիւղեր:

Ահա այս տեղը Շամիրամը ընտրեց իր ամառանոցի համար և հրամայեց որ Ասորեստանից և իր իշխած ուրիշ երկիրներից բերեն տասններկու հազար ընտիր և հմուտ գործաւորներ, որոնք լաւ գիտէին փայտի ու բարի, պղնձի ու երկաթի արհեստները:

Երբ այս ամբողջ բազմութիւնը եկաւ հաւաքւեց, հնարագէտ թագունէին հրամայեց նախ և առաջ գետի ամբարտակը շինել: Տեղ-տեղ ապառաժները կտրեցին, տեղ-տեղ էլ խոշոր բարեր աւազով ու կրով շարեցին և շինեցին այն լայն ու բարձր առուն, որը մինչև այժմ էլ գրեթէ անխախտ մնում է: Քարերը այնպէս ամուր են ծեփած, որ եթէ մէկը ուզենայ մի փոքր քար գոնէ պոկել պարսատկի համար, ինչքան էլ աշխատի՝ չի կարողանայ: Այս ամբարտակի մէջ հաւաքելով հեռւից ջրերը՝ Շամիրամը բերում է հասցնում նշանակած տեղը:

Այնուհետև նա սկսում է բուն քաղաքի շինութիւնը: Նա դաս դաս է բաժանում իր գործաւորներին և իւրաքանչիւր դասի վրա կարգում է ընտիր ճարտարապետներ: Շատ տարիներ շարժարւեցին աշխարհի ամեն ծայրերից բռնի հաւաքւած բանւորները, մինչև որ աւարտեցին հրաշալի շինութիւնը՝ ամուր պարիսպներով և պղնձէ դռներով: Քաղաքի մէջ շինեցին ընտիր-ընտիր, կրկնայարկ և եռայարկ պալատներ զանազան գոյնի քարերից, այնպէս որ մէկ թաղը միւսից ջոկւում էր առանձին գոյնով և բաժանւում էր լայն-լայն փողոցներով: Այս

ու այնտեղ շինեցին նաև զարմանք շարժող բաղանիքներ: Իր բերած առւի մի մասը Շամիրամը անց կացրեց քաղաքի միջով ամեն տեսակ պէտքերի համար, ծաղկոցներն ու բուրաստանները ջրելու համար, իսկ միւս մասը հասց-



Վանայ Կաւարբուրը

րեց ծովակի աջ ու ձախ ափին՝ շրջակայքը ջրելու համար: Քաղաքի շուրջը նա տնկել տւաւ ամեն տեսակ տերևաւոր և պտղաբեր ծառեր և մանաւանդ բազմաբեր գինու որթեր:

Իայց այս բոլոր հրաշակերտ շինութիւնների մէջ առաջինն ու ամենից փառաւորը այն էր, որ նա շինեց քաղաքի ծայրին:

Նա պարսպել տւաւ հարաւային ժայռի դազաթը

և փորել տւաւ ամուր պարուստի մէջ դժւարամուտ և դժւարելանելի թագաւորանիստ դանլիճներ, օթևաններ և գանձատուններ և խոր անցքեր, որոնց նշանակութիւնը շատերը այժմ չը գիտեն: Ժայռի արևելեան երեսը, որը այնքան կարծր է, որ երկաթով անգամ չի կարելի վրան մի գիծ քաշել, նա ողորկել տւաւ և գրեց զարմանալի գրերով իր գործերը. այդպիսի գրերով Հայաստանի ուրիշ շատ տեղերումն էլ արձանների վրա իր յիշատակը թողեց:

Այսպէս շինելով հոյակապ քաղաքը, նա անթիւ բազմութիւն բնակեցրեց նրա մէջ:


Շամիրամի անունով այս զարմանալի քաղաքը կոչւեց Շամիրամակերտ, բայց ժողովուրդը վերջը սկսեց ուղղակի «Վան» ասել, այսինքն «քաղաք», «ապաստարան», Բրդնունեաց ծովն էլ այդ պատճառով կոչոււմ է Վանայ ծով:

Այստեղ էր Շամիրամը անցկացնում ամեն ամառ, իսկ այդ ժամանակ Նինուէի ու Ասորեստանի վրա կողմնապետ էր թողնում մարերի նահապետ Զրադաշտ մոզին: Որչափ գեղեցիկ ու հնարագէտ էր նա, այնքան էլ քաջ ու արի: Նա շատ նոր երկիրներ աւելացրեց Նինուսի հողերի վրա և իր զօրքերով հասաւ մինչև Հնդկաստան: Բայց վերջը նա այնքան հաւատաց Զրադաշտին, որ իշխանութիւնը բոլորովին նրան յանձնեց, իսկ ինքը իր օրերը անց էր կացնում ուրախութիւններով և զւարճութիւններով բարեկամների և սիրելիների հետ: Նա վատնում էր Նինուսի թողած հարստութիւնները, գանձեր ու պաշտօններ էր բաժանում իր բարեկամներին և հոգ չէր մտածում իր որդիների մասին:

Նրա որդիները չափահաս դառնալով մօր երեսուցի էին տալիս նրա վատ արարմունքը և պահանջում էին որ իրենց յանձնի հայրական իշխանութիւնն ու գանձերը: Այն ժամանակ Շամիրամը կոտորել տւաւ բոլոր որդիներին,

բացի կրտսերից, Նինուսից, և այնուհետև աւելի անձնատուր եղաւ զւարճութիւնների և շոպյութիւնների:

Ասում են, մի օր Շամիրամը դուրս գալով ծովափ գրօսներու՝ տեսաւ մի խումբ մանուկներ, որոնք գննում



Շամիրամը արձակեց իր մագեր, սյուեց պարսասկի պէս:

էին աւագի մէջ գտած մի ուլունք: Թագուհին խկոյն հասկանում է ուլունքի զօրութիւնը, խլում է մանուկների ձեռքից և փոխարէնը պարգևներ է տալիս նրանց: Ուլունքը կախարդական ուժ ունէր: Շամիրամը նրանով ումն

ուզում էր՝ հմայում էր և իրեն սարուկ էր դարձնում, ումն ուզում՝ կորցնում, փչացնում: Եւ աշխարհը նրա ձեռքին խաղալիք էր եղել:

Մինչդեռ Շամիրամի ուշքն ու միտքը վայելքների հետ էր, Զրադաշտ մոզը կամենում էր խորամանկութեամբ նրա իշխանութեանը տիրանալ և բոլորի վրա բռնանալ: Ուշ նկատեց Շամիրամը այս բանը և գնաց նրա դէմ կուսելու: Զրադաշտի հետ միացաւ Նինւասը: Պատերազմի մէջ Շամիրամը յաղթեց և ոտով սկսեց փախչել Հայաստան: Նա փախչում էր առանց դադար առնելու, ծարաւում, ջուր էր խմում և կրկին փախչում, իսկ թշնամիների սուսերաւոր (սուր կրող) զինւորները նրան հալածում էին: Սուսերաւորները նրան հասան վերջապէս, խլեցին նրանից կախարդական ուլունքը և քշեցին իրենց ձիերը որ ուլանքը Բզնունեաց ծովը գցեն: Յոգնած, ուժասպառ՝ Շամիրամը արձակեց իր չքեղ մագերը, ոլորեց պարսատկի մէջ ու ուժեղ ձեռքով սկսեց պտտացնել, որ արձակի փախչողների ետեից: Բայց սաստիկ կատաղութիւնից այնպէս ուժով էր պտտացնում, որ մագերը պոկւեցին, ապառաժը դուրս ընկաւ թռաւ հեռու¹⁾, իսկ ինքը Շամիրամը յուսահատութիւնից տեղն ու տեղը քար կտրւեց: Սուսերաւորները փախցրին ուլունքը, ձգեցին Վանայ ծովը: Այն օրից ի վեր ժողովուրդն ասում էր «Ուլունք Շամիրամայ ի ծով», այսինքն՝ թէ «Շամիրամի ուլունքը ծովն ընկաւ», երբ ուզում էր ասել թէ՛ բոլոր հնարներդ ու խորամանկութիւններդ գուր անցան:

Այդ պատերազմում Շամիրամի հետ սպանեց Արան. Արային յաջորդեց Անոււաւանը, որին տարան Նինւէ: Արամը քաջ էր, Արան գեղեցիկ, իսկ Անոււաւանը հանձարեղ և իմաստուն, ճարտար լեզւանի և ամեն գործի մէջ շնորհքով: Նա կոչւում էր Սօս, որովհետև փոքրուց նւիրւած էր սօսի ծառերի անտառին: Այս անտառը Ար-

¹⁾ Արտամես գիւղի մօտ, Վանից ոչ հեռու, ցոյց են տալիս այդ ապառաժը, որ ընկել խոր փոս է կազմել գետնի մէջ:

մենակ նահապետն էր տնկել Արմաւրի մօտերքում: Այստեղ քուրմերը հետևում էին նւիրական ծառերի տերևների սօսափրւնին և շարժումներին, օգի հանդարտ կամ սաստիկ շարժելու ժամանակ, և գուշակութիւններ էին անում:

Անոււաւանը բաւական տարիներ մնաց Նինւէի պալատում՝ անպատիւ և արհամարհւած, բայց վերջը իր խելքով և բարեկամների օգնութեամբ նա ստացաւ նախ իր հայրենի երկրի մի մասը, իսկ յետոյ ամբողջը կառավարելու իրաւունքով, բայց պիտի հարկ վճարէր ասորեստանցոց:

Այսպէս հարկատու դարձաւ Հայոց աշխարհը և նսեմացաւ քաջասիրտ Արամի երկրի փառքը:

IV

ՏԻԳՐԱՆ ԵՐԻԱՆԻՅԱՆ

Երկար տարիներ Անոււաւան Սօսանւէրից յետոյ Հայաստանի նահապետները հարկ վճարեցին ասորեստանցոց, շատ հարստութիւններ հոսեցին Հայոց երկրից Նինւէի գանձարանը: Ասորեստանի անկշտում թագաւորներն ու պալատականները քանի գնում աւելի ու աւելի զարճութիւնների ետեից էին ընկնում, ապրում էին շուայլ ու անմարդավայել, իսկ գործերը կառավարում էին յայտնի կաշառակեր, փչացած պաշտօնեաներ, որոնք ճնշում էին հպատակ ազգերին, և աշխարհի մէջ ոչ արդարութիւն կար, ոչ էլ ապահովութիւն:

Ասորեստանից դէպի արևելք, Զագրոշ լեռների միւս կողմը, Ուրմիոյ լճից մինչև Կասպից ծովը և մեր Երասխը, այդ ժամանակ բնակւում էին մարեր, կամ մեզացիք: Մարերի խորամանկ ու քաջ թագաւորը օգուտ քաղեց Նինւէի թագաւորի անփութութիւնից ու կեղտոտ վարքից և խորամանկութեամբ ու փողով սկսեց բարեկամներ գրաւել Ասորեստանի զօրավարների և կառավարիչների մէջ: Նա

իր կողմը քաշեց բարեխացոց և պարսից իշխաններին. այդ ժամանակեայ հայոց նահապետին էլ, Պարոյրին, նա խոստացաւ թագաւորական շուք և պատիւ, և այսպիսով բազմաթիւ կողմնակիցներ շահելով՝ զնաց Նինւէի վրա, վերցրեց այս քաղաքը, այնտեղ կուսակալ նշանակեց, իսկ ինքը վերադարձաւ իր երկիրը:

Այսպէս ընկաւ Ասորեստանը, այսպէս էր որ Պարոյրը դառաւ առաջին հայոց պսակակիր թագաւոր:

Պարոյրից յետոյ իններորդ թագաւորն էր Երւանդի որդի Տիգրանը: Սա մեր թագաւորներից ամենից հզօրն էր, ամենից իմաստունը և ամենից քաջը: Շատ թագաւորներ են Տիգրան անունը կրել, բայց այս Երւանդեան Տիգրանը մի և միայնակն էր, որ իր նման քաջ պատերազմողների գլուխ կանգնելով՝ քաջութիւն ցոյց տւաւ, մեր ազգը բարձրացրեց, նախանձելի դարձաւ իր ժամանակակիցների համար և ցանկալի ու օրինակելի յետնորդների համար: Նա մեր բնակութեան սահմանները հին սահմաններին հասցրեց և մեզ, որ օտարների լծի տակ էինք, ոչ միայն լծից ազատեց, այլ և լուծը բազմաթիւ ուրիշ ազգերի վրա դրեց:

Այսպէս էին նրանով պարծենում մեր պապերը:

Նրա մագերը շէկ էին և գանգուր, երեսը զւարթ, սպիտակ ու կարմիր, աչքերը քաղցրաժպիտ, կազմաւածքը ամուր, թիկունքը լայն, ազդրները լիք, ոտները գեղեցիկ, իսկ ինքը պարկեշտ էր և չափաւոր ամեն բանի մէջ, թէ կեր ու խումի և թէ զւարճութեանց մէջ, և մեծիմաստ էր ու պերճախօս, մի խօսքով՝ ամեն բանով կատարեալ: Ժողովուրդը բառ չէր գտնում գովելու և փառաբանելու նրա արդարամտութիւնն էլ և հաւասարասիրութիւնը: Նա ամենքին հաւասար աչքով էր նայում, ամենքի արարմունքը իր մտքում հաւասար լծակով էր կշռում, ոչ իրենից լաւերին էր նախանձում, ոչ էլ իրենից վատերին էր

արհամարհում, այլ ամենքի վրա հաւասար աշխատում էր տարածել իր խնամքի փէշերը:

Բայց մեր քաջ և իմաստուն Տիգրանը անւանի էր ոչ միայն իր արդարամտութեամբ. աշխարհին յայտնի էր և նրա ընկերսիրութիւնը: Այդ լաւ գիտէր մարաց թագաւոր Աժդահակը, որին մեծ վիշտ էր պատճառում Տիգրանի բարեկամութիւնը պարսից թագաւոր Կիւրոսի հետ:

Աժդահակը կասկածելով էր նայում Կիւրոսին, վախում էր նրա օրէց օր ուժեղանալուց, և չէր կարողանում հանգիստ քնել. նա շարունակ մտածում էր՝ չը լինի թէ Տիգրանն ու Կիւրոսը միացած իր վրա գան: Շատ անգամ նա հարցնում էր իր խորհրդակիցներից՝ չը գիտե՞ն արդեօք մի հնար, որ կարողանան այդ երկուսի սիրոյ կապը կտրել: Եւ միշտ այսպէս շփոթութեան մէջ էր:


Նա լսել էր թէ ինչպէս Տիգրանը կարգաւորել էր իր բազմաթիւ զօրքերը: Տիգրանը հետևակներին ձիերի վրա էր նստեցրել, պարսաւորներին աղեղ էր տւել, շերտաւորներին (կացնով զինւածներին) սուր և նիզակ, ով որ զրահ չունէր, երկաթէ զրահ ու վահան էր տւել, և երբ այս ամբողջ զօրութիւնը մէկ տեղ էր հաւաքւում, բաւական էր թշնամիները տեսնելին միայն նրանց պահպանակներին և գէնքերի փայլմունքն ու շողշողիւնը, որ սարսափահար փախչէին: Այս զօրութեամբ քանի-քանի երկիրներ էր նա նւաճել:

Ահա այս ուժիցն էր սոսկում մար Աժդահակը: Ու մի գիշեր, սաստիկ մտածելուց, նա գարհուրելի երազ է տեսնում, տեղից վեր է թռչում և չը նայելով որ դեռ շատ մութ էր և սովորութիւն չը կար գիշերով կանչել խորհրդակիցներին, իսկոյն ուղարկում է նրանց ետեից:

Նկան հաւաքւեցին խորհրդակիցները. տեսնում են՝ թագաւորը աչքերը գետնին անշարժ յառել է, երեսը տրտում նստած է, խորը յոգւոցներ է հանում և մռնչում:

Հարցնում են՝ ի՞նչ է պատահել. նա երկար ոչինչ չի պատասխանում և վերջապէս, այլևս չը կարողանալով ծածկել իր կասկածները, նա վշտաբեկ պատմում է.

«Այսօր երազում, ով սիրելիներ, իբր թէ մի ինչ որ անծանօթ երկրում էի մի բարձր լեռան մօտ, որի գագաթը կարծես պատած լինէր սաստիկ սառնամանիքով. ինձ ացին թէ ես Հայոց աշխարհում եմ: Երկար նայում էի սարի գագաթին և այնտեղ ինձ երևաց նստած մի բարձրահասակ և կարմրայտ, գեղեցիկ կին՝ ծիրանի հագին և երկհային քօղն երեսին: Եւ երբ երկար հիացած նայում էի



Աժգահակի երազը

այդ տեսիլքին, յանկարծ այդ կինը ծնեց երեք կատարեալ դիւցազոր: Առաջինը նրանցից առիւծի վրա հեծաւ ու թռաւ դէպի արևմուտք, երկրորդը մի ընձու վրա նստեց և զիմեց դէպի հիւսիս, իսկ երրորդը մի անագին վիշապ սանձեց և եկաւ յարձակեց իմ տէրութեան վրա: Եւ յանկարծ երագս խառնեց, և մէկ էլ ինձ տեսայ իմ պալատի տանիքի վրա, որ զարդարւած էր գեղեցիկ գոյնզգոյն շատրւաններով. այնտեղ կանգնած էին մեզ պսակող աստ-

ւածները հրաշալի տեսքով, իսկ ես ձեզ հետ զոհեր էի բերում նրանց և խուճկ էի ծխում: Յանկարծ վեր նայեցի— տեսայ որ այն վիշապի վրա նստողը, արծւի նման թևեր առած, թռչում է ինձ վրա և կամենում է ասուածներս կործանել: Ես, ընկայ նրա և կուռքերի մէջ, հարւածը ինքս ընդունեցի, և սկսեց իմ և զիւցազնի մէջ կատաղի կռիւ: Նախ մենք նիզակներով միմեանց վիրաւորեցինք, և մեր արիւնը վտակի պէս հոսեց և տանիքի երեսին ծով բռնեց: Յետոյ շարունակեցինք կուել ուրիշ զէնքերով: Բայց ի՞նչ երկարացնեմ: Վերջն այն եղաւ, որ ես ընկայ: Ու վեր թռայ քնից սաստիկ քրտնած և ուղարկեցի ձեր ետևից: Պարզ է որ Տիգրանից մեզ մեծ վտանգ է սպառնում, որ նա յարձակելու է մեզ վրա: Խօսեցէք, ասացէք՝ ի՞նչ խորհուրդ կը տաք: Ինձ թագաւորակից ո՞վ է ուզում ձեզանից լինել:

Եւ թագաւորը մէկի միւսի խորհուրդը լսեց, շնորհակալութիւն արաւ և վերջը կրկին ինքը այսպէս խօսեց.

«Շատ խելօք, շատ իմաստուն խորհուրդներ լսեցի ձեզանից, սիրելիներ. հիմա տեսէք թէ ես ինչ եմ մտածում: Թշնամուց զգուշանալու ամենալաւ միջոցն այն է, որ սիրող ձեանանք և սիրոյ պատրւակով դաւ սարքենք: Կուգենք Տիգրանի գեղեցիկ բոյր Տիգրանուհուն մեզ կին և երբ մեր ու հայոց թագաւորի մէջ յաճախ եկող զնացող կը լինի, ծածուկ կը կաշառենք Տիգրանի բարեկամներին, պարգևներ և պատիւներ կը խոստանանք և նրանց ձեռքով սրով կամ թոյնով նրան սպանել կը տանք և կամ ոսկով մեր կողմը կը քաշենք նրա կողմնակիցներին, որ նա մենակ մնայ, և այսպէս հեշտութեամբ կը բռնենք նրան իբրև մի անգօր տղայի»:

Այս միտքը ամենքը հաւանեցին, և Աժգահակը գրեց մի նամակ ու խորհրդակիցներէից մէկին յանձնելով՝ բազմաթիւ գանձերով ուղարկեց Տիգրանին:

Իսկ նամակի մէջ գրւած էր այսպէս.

«Գիտէ սիրելի եղբայրութիւնդ որ աշխարհիս երեսին աստուածները ոչ մի աւելի օգտակար բան չեն պարգևել մեք, քան թէ սիրելիներէ թիւը բազմացնելը, մանաւանդ իմաստուն և հօր սիրելիներէ: Այն ժամանակ և դրոշմ ոչ մի թշնամի չի համարձակել յարձակել, ոչ էլ ներսում որևէ ապստամբ գլուխ կը բարձրացնի: Ուստի՝ տեսնելով թէ ինչ մեծ օգուտներ են ծագում բարեկամութիւնից, ես մտածեցի աւելի խորը հաստատել իմ և քո մէջ եղած սէրը, որ ամեն կողմից ուժեղանալով՝ ես և դու ապահով պահենք մեր տէրութիւնները: Իսկ այս կը լինի այն ժամանակ, երբ դու ինձ կնութեան կը տաս Հայոց օրիորդին, քո քոյր Տիգրանուհուն, եթէ միայն բարի ես կամենում նրան, որովհետև նա կը լինի ինձ մօտ թագուհիներէ թագուհի: Ողջ եղիր, մեր թագակից և սիրելի եղբայր»:

Այս նամակը ստանում է Տիգրանը և ոչ մի նենգութիւն չը կասկածելով՝ պատուով, ինչպէս թագաւորներէ սովորութիւնն էր, ուղարկում է իր քրոջը Մարաստան: Աժդահակը Տիգրանուհուն տիկնանց տիկին նշանակեց, ոչ թէ միայն նրա համար, որ մտքում նենգութիւն ունէր, այլ և որ աղջիկը իրաւ շատ գեղեցիկ էր: Այնուհետև ոչինչ չէր անում առանց նրա խորհրդի, նրա խօսքով էր ամեն գործ կարգադրում, նրան հնազանդել էր ամենքին հրամայում:

Եւ այսպէս աշխատելով աղջկայ սիրտը շահել, Աժդահակը սկսում է քաղցր լեզուով նրա ականջին շնչալ:

— Ի՞նչ չը գիտես թէ ինչ նախանձոտ կին է Տիգրանի կին Չարուհին. նա աչք է ձգել քո տիկնանց տիկնութեան վրա և մեր դէմ է գրգռում Տիգրանին, որ նա դառնայ Արեաց (մարերի) թագաւոր, ինքը Արեաց թագուհի: Ի՞նչ պիտի լինի սրա վերջը. առաջ ես կը մեռնեմ, իսկ յետոյ Չարուհին կը դառնայ Արեաց տիկին և աստուածուհիներէ տեղը կը նստի: Լաւ մտածիր այս վտանգի մասին և մէկն ու մէկը ընտրիր. կամ առաջւայ պէս եղբօրդ հաւատարիմ մնա, սիրիւր նրան, և ծաղր ու ծանակ եղիր ամբողջ Ա-

րեաց աղբի առջև, կամ գլխիդ բարիքը հասկացիր, և մի հնար գտիր այդ խայտառակութիւնից ազատելու:

Ճշմարիտ է՝ Աժդահակը չէր սպանում Տիգրանուհուն որ եթէ իր կամքով չը վարւի, սպանել է տալու նրան, բայց իմաստուն աղջիկը իսկոյն հասկացաւ նրա խորամանկ խօսքերի մէջ ծածկւած միտքը: Նա միամիտ ձեացաւ: Սիրոյ բառերով հաւատացրեց Աժդահակին իբր թէ ինքն էլ այդ լուրից վրդովւած և անհանգստացած է և իբր թէ միջոցներ է մտածում եղբօր ու Չարուհու թակարդից ազատելու. իսկ մինչ այդ՝ գաղտնի՝ մտերիմ մարդկանց ձևքով ամենը յայտնեց եղբօրը թէ Աժդահակի նենգութիւնը և թէ նրա դաւաճանութիւնը:

Եւ անա Աժդահակը պատգամաւորներ է ուղարկում Հայոց թագաւորի մօտ և ասում.

— Շտապիր, եկ ինձ տեսութեան մեր տէրութիւնների սահմանագլխի մօտ. շատ կարևոր ասելիք ու գործ ունեմ քեզ հետ, որի մասին ոչ գրով կարելի է գրել, ոչ էլ մարդու բերանով ապսպրել, այլ միայն կարելի է երես առ երես առանձին խօսել:

Տիգրանն իմանում էր՝ ի՞նչ սև դործի համար էր իրեն հրաւիրում Աժդահակը: Նա աւելորդ համարեց ծածկել իր գայրոյթը, էլ ուր էր այն սուրբ բարեկամութիւնը, որի անունից առաջ խօսում էր իր հետ Աժդահակը: Տիգրանը նամակով յայտնեց նրան այն ամենը, ինչ որ գիզել էր իր խոցած սրտում, և երեսով տաւ նրա խարդախութիւնը: Այնուհետև այլ ևս ի՞նչ խօսքով, ի՞նչ խորամանկութեամբ կարող էր Աժդահակը նրան խաբել-քնացնել: Նրանց մէջ սկսեց բացարձակ թշնամութիւն:

Փողովեց Երևանդեան Տիգրանը ընտիր գնդեր իր բոլոր հողերից— և կապաղովկիացիներից, և վրացիներից, և աղաններից, և Մեծ ու Փոքր Հայքի բնակիչներից,— ու «խաղաց», արշաւեց մարաց աշխարհի կողմերը: Աժդահակին մեծ վտանգ էր սպասում, բայց կոխը մի առ ժամանակ յետաձգւում էր, որովհետև Տիգրանը դեռ տատան-

ւում էր ու շարունակ մտածում էր Տիգրանու հու մասին թէ ինչպէս անի, ի՞նչ ճար գտնի՝ իր քրոջը մարաց պալատից ազատի: Եւ վերջապէս՝ մի հնարով քրոջը Աժդահակի ձեռքից փախցնելով, նա համարձակ, առանց վարանելու առաջ գնաց և կանգնեց Աժդահակի գորքերի դիմաց:

Սոսկալի կռիւ սկսեց. քաջերը քաջերին էին պատահել ու ոչ ոք չէր ուզում թիկունքը ցոյց տալ—և փախչել: Շատ ժամեր տեց ճակատամարտը: Տիգրանը տեսաւ Աժդահակին, մօտեցաւ. նրան և այնպէս զարկեց նիզակով նրա կրծքի զրահին, որ նիզակը ջրի պէս ծակեց երկաթէ ամուր զգեստը և շամփրեց Աժդահակին, իսկ երբ Տիգրանը նոյն ոյժով ձեռքը ետ քաշեց, թոքերի կէսը դուրս եկաւ: Սարսափահար եղան մարերը, տեսնելով իրենց թագաւորի մահը, էլ չը դիմացան հայերի յարձակման ու ցիրուցան փախան:

Այսպէս ընկաւ վերջացաւ մարաց տէրութիւնը:

Աժդահակի առաջին կինը, Անոյշը, և Աժդահակի ցեղից բազմաթիւ աղջիկներ ու պատանիներ գերի ընկան հայոց ձեռքը: Տիգրանը նրանց բնակեցրեց Մասիսի արևելեան լանջին, այնտեղ, ուր լեռան վրա լայն փլածք է կազմել անագին երկրաշարժից: Աւելի քան տասը հազար մարդ նրանց հետ գերի ուղարկեցին Հայաստան և բնակեցին Մասիսի ստորոտում երկար տարածութեան վրա, Երասխի երկու ափերին: Այս վարերը պիտի ծառայէին իրենց ախրուհի Անոյշին: Յետոյ Անոյշից ծագեց հզօր իշխանական տուն, Մուրացան նախարարութիւնը, որ երգերի մէջ յաճախ «վիշապազուն», այսինքն՝ վիշապներից ծնւած էր կոչուում, որովհետև «Աժդահակ» — նշանակում է օձ կամ վիշապ: Այս տունը սկսեց վերջը խօսել հայերէն և բոլորովին մոռացաւ իր մարաց լեզուն:

Իսկ սիրելի, գեղեցիկ և մեծիմաստ քոյր Տիգրանունուն Տիգրանը թագաւորավայել պատուով ու շուքով ուղարկեց իր շինած Տիգրանակերտ բաղաքը և այն կողմերի բոլոր գաւառներին հրամայեց նրան ծառայել:

Աժդահակի ամբողջ աշխարհը անցաւ Տիգրանի բարեկամ պարսից թագաւոր Կիւրոսին, որի հետ նա շատ երկիրներ նւաճեց, անթիւ անհամար ոսկի և արծաթ, պատւական քարեր, թանգագին մանւածքներ, գոյնզգոյն զգեստներ բերեց լցրեց Հայաստան, թէ կանանց և թէ տղամարդկանց համար: Այս զգեստներով ամենատեղները սքանչելի գեղեցիկ էին երևում. իսկ գեղեցիկները հօ զիւցազունների նման: Եւ մեղր ու կարագով կերակրեց Երևանգեան Տիգրանը մեծ ու պստիկին, ու այնպէս երջանիկ և ապահով էր իրեն զուտ նրա օրով հայ ժողովուրդը, որ յետոյ հայերը միշտ երանի էին տալիս նրա թագաւորութեան ժամանակ ապրողներին և ասում էին.

— Երնէկ մենք էլ նրա ժամանակ աշխարհ եկած լինէինք, նրա տեսութեամբ ուրախանայինք և այժմեան վտանգներից ազատ մնայինք:

V Վ Ա Հ Ա Գ Ն

Այն դարերում, երբ ապրում էին Հայկը, Արամը և Տիգրան Երևանգեանը, Հայոց աշխարհի բնակիչները գեռ հեթանոս էին: Նրանք չէին ճանաչում մէկ Աստծուն, այլ պաշտում էին բազմաթիւ աստուածներ: Շրջապատող ամբողջ բնութիւնը նրանց աչքում լի էր զանազան աստուածութիւններով:

Իրենց գլխներից վեր նրանք տեսնում էին տարածւած ընդարձակ երկնակամարը, որը հորիզոնի մէկ ծայրից մինչև միւսը գրկել է գետինը: Նա կանոնաւոր կերպով մէկ լուսաւորում է, մէկ խաւարում, ճանապարհ է բանում գլորող արևի և լուսնի համար, պսպղում է անհամար աստղերով և թափում է մայր-գետնի վրա անձրևի փրկարար կաթիլներ: Եւ երկինքը հայի աչքում մի կենդանի էակ էր, մի հզօր աստուած:

Երկինքը եօթն տակ ունէր. նրա ստորին շերտը՝ ամպեղէն է, իսկ միւս շերտերը՝ ջրերի անսահման ծով են և վերջանում են երկնային ովկիանոսով: Այնտեղ, վերե-

ւում, անհուն շրեր են ամբարւած, որոնք բղխում են կաթնաղբիւրներով: Ամպերն երկնային ասածու կովերն են. ամեն երեկոյ նրանք իջնում են գետին արածելու, իսկ առաւօտեան՝ ցօղ թողնելով բոյսերի վրա՝ կրկին վերադառնում են երկինք և խմում են այնտեղ կաթնաղբիւրից: Նրանց ծծերիցն են «կաթում» անձրևի «կաթիլները»: Երբ ամպերն երկնքում գորգոռում են, երկնային կովերն են այգ, որ ձայն են հանում արիւնածովի, ծիրանի ծովի միջից: Այսպէս էր հաւատում և հաւատում է մինչև հիմա էլ շատ տեղ հայ ժողովուրդը:

Բայց երկնքից ոչ պակաս հրաշալի և զարմանալի է երկիրը: Նա է պահում սերմերը իր կրծքի մէջ և մթնում գուրգուրում, տաքացնում. նա խորը իր սրտի մէջ ծածկում է հսկայական ծառերի արմատները: Իսկ յետոյ, երբ գալիս է գարունը, նա իր կրծքից դուրս է թողնում լոյսաշխարհ անթիւ ծաղիկներ, փռում է ծառերի ճիւղերին բազմաձև տերևներ, պտուղներ է լցնում, սերմեր և հատիկներ է հասցնում, որ վերջը՝ ձմեռայ մօտենալիս նորից թափւեն թագնւեն նրա մայրական գոգում:

Ինչքան բարութիւններ է տալիս երկիրը մարդուն: Հայր պաշտում էր նրան երկնքի հետ որպէս մի ասուած, և մինչև հիմա էլ երգում է՝ «Երկինք-երկիր» վկայ կանչելով:

Հեռաւոր հորիզոնի մօտ իրար համբուրում են երկինքն ու երկիրը: Ամեն լուսաղէմին արևելքում խաւարը կուռում է լոյսի հետ, երկինքն ու երկիրը կարծես ցնցում չարչարում են, արիւն է թափւում և կարմիր ներկում ամբողջ երկնային անեզր ծովը: Աւելի ու աւելի է բոցավառում այն կողմը. կարծես եղեգներ լինեն վառելիս, կարծես ծուխ լինի բարձրանալիս ուղիղ դէպի վեր և յետոյ իջնելիս, կարծես բոցեր լինեն հեռու վեր ցցելիս ու նորից հանգչելիս: Տոլքերը աւելի ու աւելի սաստկանում են և արդէն երկնքի կէսն են բռնում, ու յանկարծ՝ այդ հրդեհի միջից դուրս է վազում լայներես արեգակը, նոր

զարթնած ուրախ պատանու նման: Դեռ կարելի է նրան նայել առանց վախենալու, որ աչքերդ կը ծակծկի: Ինչպէս կարմիր է նրա կոբր համբը, ինչպէս խարտեաշ է նա և աչքերը չառժ մեզ է ժպտում: Գլխի մազերը վառւում են կրակի պէս, ի կ մօրուքը բոցեղէն է: Նա կայտառ, խաղալով՝ արագ վազում է առաջ և ամենքին կանչում է գործի: Հեթամոս հայր պաշտում էր այդ ծագող արևին, երկնքի և երկրի և ծիրանի ծովի զաւակին, Վահագն էր կոչում նրան և աղօթելիս նայում էր նրա կողմը, դէպի արևելք, ուր բացւում է «աղօթարանը»:

Երկնէր երկիր և երկիր,
 Երկնէր և ծիրանի ծով.
 Երկն ի ծովուն ունէր և զկարմրիկ եղեգնիկն.
 Ընդ եղեգան փող ծուխ ելանէր,
 Ընդ եղեգան փող բոց ելանէր.
 Եւ ի բոցոյն պատանեկիկ վազէր.
 Նա հուր հեր ունէր,
 Ապա թէ բոց ունէր մօրուան,
 Եւ աչկունք էին արեգակունք:
 Այսինքն թէ՛

Երկնում (տանջւում) էր երկինքը, երկնում էր երկիրը,

Երկնում էր և ծիրանի ծովը.
 Երկունքը ծովում բռնել էր և կարմրիկ եղեգնիկին.
 Եղեգնի փողից ծուխ էր ելնում,
 Եղեգնի փողից բոց էր ելնում,
 Եւ բոցի մէջ պատանեկիկ էր վազում.
 Նա կրակ մազեր ունէր,
 Ապա թէ բոց ունէր մօրուքը,
 Եւ աչքերն էին մի-մի արեգակ:

Ամեն մարդ՝ արշալոյսին տեղից վեր թռչելիս, գգում է իր մէջ թարմութիւն և ուժ. նրա սրտից փախչում է ամօթալի երկիւղը, որ գիշերւայ խաւարի մէջ աննկատելի բուն է գնում մարդու հոգու մէջ: Այդ ժամանակ թոյն

էլ իրան զգում է քաջ և անյաղթելի: Ո՞վ է այդ քաջութիւն տւողը: Վահագնը, ասում էին մեր հեթանոս նախնիները, նա, որ ինքն էլ քաջերից քաջն էր, քաջութեան աստուածն էր: Եւ երբ նա չէր երևում երկնակամարի վրա, գիշերով, հայր չէր սիրում պատերազմի դուրս գնալ: Բայց միայն քաջութիւնը չէր, որ տալիս էր Վահագնը: Արևը ծագելուն պէս ամեն շնչաւոր դարձնում է



Վահագնը յայդ է գողանում Բաբելոնից

քնից. թռչունները դեռ կամացուկ, յետոյ հետզհետէ աւելի ու աւելի բարձրաձայն ծրվում են, ոչխարներն ու կովերը բառանում են, ձին խրխնջում է, — իսկ հովիւն ու հօտազը գիլ երգն են կլկլացնում:

Ամեն արարած կարծես ուզում է շուտով համոզել չը լինի թէ գիշերով ձայնը կորցրել է. լիակուրծ նա ներս է շնչում աստուտեան ջինջ օդը և զլարթ-զլարթ ձայն է

հանում: Վահագն է ամենքի՛, երգեցնողը, նա է երգի աստուածը:

Ահա թէ ինչու հայոց արկրի ամեն ծայրերից բամբուռահարները դիմում էին դէպի Աշտիշատ, ուր այժմ Մշոյ «Սուլթան» ս. Կարապետ վանքն է, իսկ այն ժամանակ կանգնած էր Վահագնի սենեակը, կամ Վահեվահեան մեհեանը Վահագնի կողքով: Այնտեղ, ինչպէս ս. Կարապետի մասին հիմա ասում են թէ նա է տալիս մեր կոյր աշուղներին երգի շարճը, այնպէս և հնում հաւատում էին թէ Վահագն է այդ շորճը բաժանում իր ընտրեալներին:

Այսպէս ծագով արևը ամենքին և քաջ է դարձնում, և ստիպում է երգել: Բայց երբեմն, նոյն իսկ ցերեկով, չենք տեսնում արևի պայծառ երեսը: Թուխպերը գալիս ծածկում են մեզից նրա դէմքը. այդ սև-սև ամպերը, վիշապներ են, — ասում էին մեր պապերը, — որոնք կամենում են կապել երկնային ջրերը, թոյլ չը տալ թափւեն երկրի վրա, և պաշարում են ամբողջ երկինքը:

Այդտեղ սկսում է վիշապների և Վահագնի մէջ մի սոսկալի կռիւ: Աստծու ձեռին փայլում է կայծակը և հարւածում վիշապներին:

Երբեմն էլ այդ վիշապները բարձրանում են գետնից:

Տեսել էք «սատանի քամիներ». օձերի պէս նրանք պտտւում են դաշտերում և ճանապարհներին, ոլորւելով և փոշի բարձրացնելով:

Երբեմն, երբ սաստիկ քամիներ են սկսում փչել, այդ պտրտւող սիւնը աւելի ու աւելի մեծանում, վեր է ձրգւում. այդ միջոցին թուխպերն էլ սկսում են ոլորել ու պտրտել ու ձագարի պէս դէպի ցած ձգւել: Եւ անա փոշու սիւնը միանում է այդ ամպեղէն ձագարի հետ և կազմում է մի մեծ օձ, որի գլուխը երկնքումն է, իսկ պոչը գետնին: Կատաղած ոլորւում է այդ թաթարը, անագին ծառեր է արմատից պոկոտում, քանդում է տներ, եկեղեցիներ, յափշտակում բարձրացնում է մարդիկ, կենդանիներ և հեռու շարտում: Իսկ երկինքը այդ միջոցին խա-

ւարում, փայլակը փայլում է, կայծակը ակօսում է ամբողջ երկնակամարը, սոսկալի որոտմունքը դղրդացնում է արար-աշխարհը: Այդ Վահագն է վեր բարձրացրել չար վիշապին, նա է նրան քաշել, քաղել ներքևից, ու ահա իր կայծակէ թրով ծեծում է նրան, զարնում, ջախջախում, մինչև որ վիշապը յաղթւած՝ վայր է ընկնում, երկնքի ջրերը բացւում են և առատ հոսում են երկրի վրա, հետը բերելով ցեխ դարձած փոշին և աւազը: Մրա համար էլ Վահագնը կոչւում էր Վիշապախաղ:

Վահագնի քաջագործութիւնների մասին հնում շատ բաներ էին պատմում: Օրինակ՝ որ մի օր ձմեռը՝ յարդը (դարմանը) պակասեց երկնային կովերի համար: Այն ժամանակ Վահագնը գնաց ասորոց Բարշամ նահապետի մօտ, որին նոյնպէս ասուած էին համարում ասորիները, յարդ գողացաւ նրանից ու փախաւ երկինք: Բայց շտապով փախչելիս ճանապարհին նա թափթփեց յարդը և մինչև հիմա էլ երկնակամարի վրա երևում է այդ սպիտակ հետքը, որ ձգւում է հարաւից դէպի հիւսիս և կոչւում է Յարդգողի, կամ Դարմանգողի ճանապարհ:

Բայց կային Հայաստանում այնպիսիներ, որոնք պընդում էին իբր թէ Վահագնը ծնւել է ոչ թէ երկնքից, երկրից և ծիրանի ծովից, այլ հողեղէն մարդուց և վերջը միայն քաջագործութիւնների համար ասուածացած է:

Ո՞վ կարող էր լինել այդ քաջի հողեղէն հայրը, եթէ ոչ Երևանգեան Տիգրանը, քաջ նահապետը, որը մի հարւածով երկար նիզակով սպանեց մարաց Աժդահակին, այդ «օձին», «վիշապին»: Ասում էին իբր թէ Տիգրանը ունեցել է երեք որդի, և այդ որդիներից կրտսերն էր Վահագնը, որը թագաւորել է: Վահագնից ծագել է Վահնունիների կամ Վահունիների սրբազան ցեղը, որին պատկանում էր Աշտիշասն իր բնակիչներով և Վահագնի սենեակով: Նրանք քրմապետներ և քրմեր էին այդ քաճաբում և իրենց օգտին հաւաքում էին այն նւէրները, որ ուխտաւորները բերում էին Վահագն աստծուն:

VI Վ Ա Ղ Ա Ր Շ Ա Կ

Տիգրան Երևանգանեանից յետոյ մի քանի թագաւորներ նստեցին Հայաստանում, բայց նրանցից ոչ մէկը նրա պէս փառաւոր գործեր չը կատարեց: Նրանք այնքան թուլացան, որ չը կարողացան պաշտպանել հայրենի աշխարհը օտար աշխարհակալներից, ու երկիրը սկսեց ծառայել հարևան պարսիկներին: Երբ մակեդոնացոց Ալէքսանդր թագաւորը պարսից տէրութիւնը կործանեց և առաւ Միջագետքն ու միւս հարևան երկիրները, ահազին շիթութիւն ընկաւ Հայոց աշխարհում. ամեն մէկը տեղից վեր էր կենում սիրելու աշխարհին, երկրի կարգ ու կանոնը խառնեց, և ոչ մեծն էր երևում, ոչ էլ փոքրը:


Ահա այդ ժամանակ Կասպից ծովի հարաւ-արեւելեան ափին, լեռնոտ Պարթևաստանում երևաց մի քաջ իշխան՝ Արշակ անունով. նա կարողացաւ ազատել իր երկիրը մակեդոնացոց ձեռքից և յետոյ սկսեց իրեն հնազանդեցնել հարևան ազգերը: Նրանից ծագեցին հզօր թագաւորներ, Արշակունիներ, որոնք ընդարձակեցին իրենց հողերը թէ արևելքից, թէ արևմուտքից և թէ հարաւից: Այդ թագաւորներից մէկը Արշակ Մեծն էր, որ հասաւ մինչև Միջագետք, իլեց մակեդոնացիներից հարուստ Տիգրոն քաղաքը, առանց դժւարութեան, հեշտութեամբ գրաւեց Հայոց աշխարհը և նստեցրեց այնտեղ իր քաջ և խոհեմ եղբայր Վաղարշակին:

Արշակ Մեծը տուաւ իր եղբօրը ամբողջ Հայաստանը և հարևան մօտիկ երկիրները, թագ դրաւ նրա գլխին ու ասաւ.

— Գնա, վերցրու այնքան, որքան քո միտքն ու քո քաջութիւնը կը կտրեն, որովհետև քաջերի սահմանը նրանց զէնքն է, որքան կը կտրի, այնքան կը տիրի*):

*) «Ահա մանք քաջաց զէնն իւրեանց, որքան հատանէ, այնքան ունի»:

Երբ Վաղարշակը գալիս էր Հայաստան բազմաթիւ զօրքերով, ոչ ոք չը համարձակեց նրա դէմ դուրս գալ և կռել: Նրա առաջ դուրս եկաւ Բագարատ մեծ իշխանը իր զօրքով. նա ոսկի և արծաթ ընծայ մատուցեց քաջ Արշակունուն, զարդարեց նրան մետաքսէ զգեստներով և վահասով (ուսնոցով), պսակեց նրան հին հայկազեան, հայրենի թագով, նստեցրեց նրան ոսկեպատ և ականակուռ (ակներով զարդարւած) գահի վրա և իր աղջիկը



«Սահմանք քաջաց զեկն իւրեանց» .

տւաւ նրան կնութեան: Այս Բագարատին Վաղարշակը այնքան պատիւների և բարութեանց համար կոչեց թագաւորի եղբայր և հայր: Իրանից ծագեց Բագրատունի երևելի նախարարութիւնը:

Վաղարշակը հրամայեց իր թագաւորութեան բոլոր իշխաններին հաւաքել ընտիր քաջերով և ինքը եկաւ նստեց Արմաւիր բլրի մօտ այդ անհամար զօրքը վարժեց-

ներու: Այստեղ նա ստիպւած մնաց շատ օրեր, որովհետև հայերը մոռացել էին զինւորական կարգերը:

Այնուհետև նա այդ վարժւած զօրքերով յաղթեց այն բոլոր հարևան իշխաններին, որոնք չէին կամենում թողնել որ ինքը հանգիստ հաստատուի Հայաստանում, ու սաստեց վայրենի ազգերը, որոնք նոր էին մտել Հիւսիսային կողմերը, բնակել էին Մեծ Կովկասի ստորոտում, լայն հովտում և խոր-խոր ձորերում, և պարապում էին աւագակութեամբ և մարդասպանութեամբ: Յետոյ նա շինեց մի քանի տեղ ամառանոցներ, որսի տեղեր, անկեց այգիներ և բուրաստաններ ու վերադարձաւ Արարատեան դաշտը: Այստեղ Վաղարշակը նշանակեց աշխարհի վերակացուներ և ինքը չլիսաւոր իշխաններով գնաց դէպի Մծբին քաղաքը, որ Արշակ Մեծը տւել էր նրան իբրև մայրաքաղաք:

Մծբնում Վաղարշակը կամեցաւ իմանալ թէ ովքեր էին տիրում Հայաստանին հին ժամանակներում իրենից առաջ, արդեօք քաջ մարդիկ են եղել նրանք թէ վատ և երկչոտ: Բայց հայերի մէջ ոչ ոք նրան չէր կարող ոչ մի ճշմարիտ բան պատմել անցած ժամանակների մասին. շատ բան էլ պատմւում էր սխալ և աղջատւած: Այն ժամանակ նա ընտրեց մի գիտնական ասորի, Մար Աբաս Կատինային, որը շատ լաւ գիտէր և քաղդէական (բաբելական), և յունական լեզուներն ու գրերը, և ուղարկեց նրան իր եղբոր մօտ մեծամեծ ընծաներով, և այսպէս գրեց իր եղբորը:

«Երկրի և ծովի թագաւոր Արշակին, որ պատկերով աստուածների նման ես, իսկ բախտով բոլոր թագաւորներից բարձր, որի միտքը այնքան լայն է, որքան երկրի վրա փռւած երկինքը, Վաղարշակ կրտսեր եղբորից և նիզակակցից, որ քեզանից է կարգւած հայոց թագաւոր: Ողջութիւն քեզ և ամենայն յաղթութիւն:

«Քեզանից ես պատուէր ստացայ որ հոգ տանեմ քաջութեան և իմաստութեան գործերի մասին, և երբէք

մտքիցս չը հանեցի քո այդ խրատը, այլ ամեն ջանք գործ դրի և արի, ինչքան իմ միտքն ու հասկացողութիւնը կտրոււմ էր: Եւ այժմ՝ կարգի բերելով այս թագաւորութիւնը քո խնամակալութեամբ, մտքումս դրի իմանալ թէ ովքեր են տիրել Հայոց աշխարհին ինձնից առաջ, որտեղից են այս նախարարութիւնները, որ կան այստեղ: Որովհետեւ չի երևում որ այստեղ որևէ կարգ եղած լինի, կամ որևէ մեհեանների պաշտամունք, յայտնի չէ թէ ով է այստեղի իշխաններից առաջինը և ով է վերջինը, ոչ մի օրէնք չի տեսնուում այստեղ, այլ ամեն ինչ խառն ի խուռն է և վայրենի:

«Ուստի աղաչում եմ քո տէրութեանդ, որ հրամայես բաց անել արքունի դիւանդ այս իմ ուղարկած մարդու առջև, որ դա գտնի քո եղջօր և որդու ցանկացածը և բերի շուտով այստեղ ստոյգ տեղեկութիւններ. ես լաւ գիտեմ որ մեր ուրախութիւնը, որ պիտի զգանք մեր կամքը կատարւած տեսնելուց, քեզ համար էլ ուրախութիւն կը լինի:

«Ողջ եղիք դու, որ բնակւում ես աստուծների մէջ»:
 Ստանալով այս նամակը Մար Աբաս կատինայի ձեռքով, Արշակ Մեծը ուրախութեամբ հրամայեց բաց անել նրա առջև արքունի դիւանը, որտեղ պահւած էին հին թագաւորների գործերի մասին մատեաններն ու զանազան պաշտօնական գրութիւնները, և շատ գոհ էր որ իր եղբայրը, որին ինքը իր թագաւորութեան կէսն էր յանձնել, այնքան խելօք է և հեռատես: Բոլոր մատեանները մի առ մի քննելով, Մար Աբասը վերջապէս գտաւ յուշարէն մի մատեան, որ դեռ Ալէքսանդր Մակեդոնացու հրամանով քաղաքացոց (բաբելացոց) լեզուից թարգմանւած էր յուշարէն. այդ գրքի մէջ գրւած էին նախնի նահապետների, թագաւորների և մեծամեծների պատմութիւնները: Գիտնական ասորին այս մեծ գրքից արտագրեց միմիայն այն, ինչ որ վերաբերում էր մեր ազգին, ու բերեց Վաղարշակ թագաւորի մօտ Մծբին քաղաքը: Վաղարշակն այդ գիրքը

իր բոլոր գանձերի մէջ առաջինն էր համարում և պատւիրեց մեծ զգուշութեամբ պահել պալատում. իսկ մի մասն էլ փորագրել տւաւ արձանի վրա. և կանգնեցրեց քաղաքում, որ ամենքը տեսնեն և իմանան թէ ինչ է անցել Հայաստանում իրենից առաջ:

Այս մատեանից Վաղարշակը կարողացաւ վերջապէս ծանօթանալ Հայկի և Արմենակի ժամանակից հաստատւած կարգերի ու կանոնների հետ, և այնուհետեւ ինքն էլ սկսեց կարգաւորել իր թագաւորութիւնը:

Անթիւ իշխաններ կային Հայոց աշխարհում՝ հնուց մնացած: Նա տեղեկացաւ թէ ի՞նչ էին արել հայրենիքի համար սրանց նախնիները և իրենք էլ ի՞նչ արժանաւորութիւններ ունեն, ու ամեն մէկին դրա համեմատ պաշտօն և պատիւ տւաւ թէ արքունի պալատում, թէ զօրքի կազմութեան և թէ երկրի կառավարութեան մէջ: Այդ պաշտօնն ու պատիւը պիտի ժառանգաբար մնար իշխանական ընտանիքի մէջ և անցնէր այդ տան մեծից փոքրին, սերունդէ սերունդ.

Վաղարշակը նախ սկսեց կարգաւորել թագաւորական տունը:

Այն Բագարատին, որը սյնպիսի մեծ պատուով և սիրով էր իրեն առաջին անգամ ընդունել, երբ ինքը նոր էր Հայաստան ոտք կոխում, նա ամենից աւելի պարգևատրեց: Բագարատը իրաւունք ստացաւ մարգարիտներով և ակնքերով զարդարւած երեքտակէն վարսակալ կրել գլխին՝ արքունիքում և թագաւորական տան մէջ շրջելիս: Պսակադրութեան և հանդէսների ժամանակ նա պիտի գնէր թագաւորի գլխին թագը, իսկ մի ուրիշ իշխան հազցնում էր ձեռնոցները: Ամեն տեղ թագաւորին հետևում էին զինւած թիկնապահներ, որոնք ընտրւած էին քաջ և կտրիճ մարդկանցից, Հայկի որդիներից մէկի սերունդից. նրանց գլխաւորը կոչուում էր «մալխազ» մաղխազ: Երբ թագաւորը մի տեղ էր գնում, նրա առջևից Արծրունիները տանում էին ոսկէ արծիւներ՝ երկար ձողերի ծայրերին ամրացած: Որ-

սի ժամանակ ամեն ինչ կարգադրում էր մի առանձին իշխան, որի վարժ որդին յետոյ մեծ անուն հանեց իր անօրինակ նետաձգութեամբ, այդ պատճառով նրա ցեղը կոչւեց Վարաժնունի: Իսկ որսկան բազէներ կրելու և բաց թողնելու իրաւունքը թագաւորք տւաւ Հաւնուններին:

Երբ նախարարները հաւաքուում էին Վաղարշակի մօտ խնջոյքի, ամեն մէկը գիտէր իր տեղը: Մէկը պիտի նստէր աւելի մօտիկ թագաւորին, միւսը աւելի հեռու: Երկրորդ բարձին բազում էր սեղանի մօտ Մուրացան նախարարը, այսինքն՝ «մարաց տէրը», որը ծագում էր Աժդահակի ցեղից. այդ ցեղը Տիգրան Երևանդեանն էր Հայաստան գաղթեցրել և բնակեցրել Մասիսի ստորոտում, Երասխի ափին: Թաւաւորի պալատում կար մի ցուցակ թէ ո՞ր բարձը ո՞ր իշխանական տան նախարարին էր տւած: Մի առանձին նախարար հացկերոյթից առաջ շարում է այդ բարձերը սեղանի շուրջը, իսկ մի ուրիշը սպասաւորում էր: Ապանդանոցի գլխաւորն էր Սպանդունի իշխանը. սա հոգս էր քաշում որ թագաւորի ճաշին ամենաընտիր միս մատուցւի: Իսկ համեղ գինիներ պատրաստողը Գնունի իշխանն էր, Վաղարշակը շատ էր զւարճանում այս անւան վրա, որը կարծես նշանակելիս լինէր «գինի ունի»:

Կարգւած էին նոյնպէս ամարանոցներ պահող և ամառը ձիւն բերող և թագաւորի համար զով խմիչքներ պատրաստող առանձին իշխաններ:

Վաղարշակը այնքան էր հաւատում Հայկի ցեղին, որ նրա միջից ընտրեց իր պալատի պահապան զօրքը, որ կոչւում էր «ոստան գունդ»: Այս պահապանները չորս գունդ էին կազմում, իւրաքանչիւրը տասնեակ հազար զինւած կտրիճներով: Միևնոյն Հայկի ցեղից նա ընտրեց իր տան կանանոցի վերակացուններ, որոնք «ներքինի» էին կոչւում: Նրանց գլխաւորը կոչւում էր Հայր-մարդպետ. նա էր տան ամբողջ սարք ու կարգին, պահեստներին, գոմանոցներին վերահասու լինում և շրջելով գաւառից գաւառ՝ թագաւորական եկամուտներին հսկում:

Այսպէս կարգաւորելով իր տունը, Վաղարշակը յետոյ զօրքը կարգի բերեց: Բոլոր ձիաւորների գլուխ և ընդհանուր հրամանատար էր նշանակւած Բագարատ թագադիր իշխանը. սրան ասում էին «սպարապետ»: Իսկ հետևակ զօրքի մէջ առաջին տեղը բռնում էր Մուրացան իշխանը, որը իր ցեղից դուրս էր բերում բազմաթիւ հետեւակ կուռղներ: Երկրորդ, երրորդ, չորրորդ և այլ կարգի հրամանատարներ էլ նշանակեց թագաւորը իր զօրքի համար: Իսկ թագաւորութեան չորս կողմը թշնամիների յանկարծակի յարձակումներից պաշտպանելու համար, նա պարտաւորեցրեց սահմանների մօտ ապրող իշխաններին զօրքերը միշտ պատրաստ ունենալ և հսկել սահմաններին: Կազմեաններն ու Միսակեանները ստացան իրենց հին կողմնակալութեան պաշտօնները, որ դեռ Արամ նահապետն էր նրանց տւել, և պիտի նայէին առաջինը՝ հարաւ-արևելեան, երկրորդը՝ արևելեան սահմաններին: Կային կողմնակալներ նաև հիւսիս-արևելքում, հիւսիս-արևմուտքում, արևմուտքում և հարաւում:

Արևմուտքի պաշտպանութիւնը յանձնւած էր բարձրահասակ, խոժոռակազմ, կոպիտ, տափակաքիթ, խոր աչքեր և անուշիկ հայեացք ունեցող՝ Տորք իշխանին, որը իր տղեղ և անճոռնի երեսի համար կոչւում էր Անգեղ: Այս Տորքի ուժի մասին շատ զարմանալի բաներ էին պատմում երգիչները: Նրա մասին ասում էին իբր թէ ձեռքով բռնում էր սարերի կողքից, և այնտեղից, որտեղ ոչ մի ճեղք չէր երևում, ձղում պոկում էր մեծ ու փոքր քարեր, իր եղունգներով կտրատում տախտակների նման, տաշում և նոյնպէս իր եղունգներով արծիւներ և ինչ ասես պատկեր վրան փորագրում: Ասում էին իբր թէ մի օր Պոնտոսի (Սև ծովի) ափին տեսել էր թշնամիների նաւեր և մեն-մենակ յարձակել նրանց վրա. նաւերը իսկոյն խոյս էին տւել, փախել բաց ծովը, բայց Տորքը ետևից էր ընկել ոտով: Երբ աւելի խոր չէր կարողացել մտնել ջուրը, նա դուրս էր եկել ափը, ահագին ժայռեր պոկել և թշնա-

մինների ետևից նետել: Քարերը ընկան նաւերի մէջտեղ, ու այնպիսի խոր պատուածքներ գոյացան ջրի մէջ քարերի ընկնելուց, որ նաւերից շատերը ընկղմւեցին, խեղդւեցին այդ պատուածքների մէջ, իսկ մնացածքներն էլ շատ հեռու ցիր ու ցան եղան բարձրացած ալիքներից: Եւ այլ ևս շատ ուրիշ սրա նման առասպելներ էին պատմում հին երգիչները այս Տորք Անգեղի մասին:

Եկան Վաղարշակի մօտ Վահագնի ցեղից մարդիկ և ինքնակամ խնդրեցին որ իրաւունք տայ սպասաւորեն մեհեաններում: Թագաւորը նրանց մեծապէս պատուեց, նրանց յանձնեց քրմութիւնը և առաջին նախարարական տների շարքը կարգեց: Միևնոյն ժամանակ նա Արմաւիրում շատ մեհեաններ կառուցեց և դրեց այնտեղ արեգակի, լուսնի և իր նախնիների արձանները: Այսպէս նա կարգի բերեց կրօնական գործերը:

Նա նորոգեց Շամիրամի շինած Վան քաղաքը և հիմնեց շատ տեղ բաղամարդ քաղաքներ և գիւղեր, և ամեն մէկ հպատակին իրաւունք տւեց իր մօտ ազատ մտնելու գործով: Իրա համար նա առանձին ժամեր նշանակեց, երբ ամեն մէկին ընդունում էր, առանձին ժամեր էլ խորհուրդների, զւարճութիւնների և զբօսանքների համար: Նա ունէր երկու յիշեցնող. մէկը բարին էր յիշեցնում, միւսը վրէժխնդրութիւն: Երբ թագաւորը բարկացած էր լինում և անիրաւ հրամաններ էր արձակում, բարի յիշեցնողը պիտի արգարութիւն և ներողամտութիւն յիշեցնէր: Իսկ երբ թագաւորը մոռանում էր մէկին պատժել չարութեան համար, վրէժխնդրութիւն յիշեցնողը այդ բանը նրա միտն էր ձգում: Նա դատաւորներ նշանակեց արքունի տանը, քաղաքներում և գիւղաքաղաքներում: Նա հրամայեց որ քաղաքացիներին աւելի պատիւ տան քան թէ գիւղացիներին և որ գիւղացիները պատեն քաղաքացիներին, ինչպէս իշխաններին, բայց որ քաղաքացիներն էլ չը գոռոզանան և շատ չը պարծենան գիւղացիների առջև, այլ եղբայրաբար վարեն նրանց հետ:

Ուրիշ շատ այս տեսակ կարգաւորութիւններ մտցրեց Վաղարշակը Հայոց աշխարհում: Եւ որպէս զի թագաւորի մահրց օրոյ խռովութիւններ չը ծագեն և վէճ չը սկսի ազգականների մէջ թէ ո՞վ պիտի արքայական գահը բարձրանայ, նա կարգադրեց որ միայն անդրանիկ որդին մնայ թագաւորի մօտ և իրաւունք ունենայ նրա հետ ապրելու միևնոյն գաւառում, մանաւանդ Արարատեան դաշտում, իսկ մնացած որդիներն ու ազգականները պիտի բնակւէին ուրիշ նահանգներում, յատուկ նշանակած կալւածներում, իբրև սովորական, հասարակ իշխաններ:

Շատ սարիներ ապրեց Վաղարշակը, Հայաստանի առաջին Արշակունի թագաւորը: Հայոց աշխարհ մտնելիս, նրա ամեն ինչ խառնիխուռն գտաւ, իսկ մեռնելիս թողեց ամբողջ երկիրը խաղաղութեան մէջ, ամեն մէկը գիտէր իր իրաւունքներն ու պարտականութիւնները, յայտնի էր մեծ ու պստիկը, և ամենքը գիտէին ինչն էր օրինաւոր և ինչն ապօրինի:

Ուրիշ հարևան երկիրներումն էլ նստած էին զանազան Արշակունի թագաւորներ, բայց Հայոց տէրութիւնը այնքան ուժեղ էր և կարգաւորւած, որ Վաղարշակը երկրորդն էր յիշուում այդ բոլոր թագաւորների մէջ և երկրորդ տեղն էր բռնում պարսից մեծ թագաւորից յետոյ:

VII ԱՐՏՍԱՇԷՍ Ա. ԱՇԽԱՐՀԱԿԱՆ

Շատ երկիրներում թագաւոր նստեցին Արշակունիները. նրանց մէջ առաջինն էր պարսից արքան, իսկ երկրորդը՝ հայոց: Բայց Վաղարշակ Ա. հայոց թագաւորի թողը, Արտաշէսը, որ մի հպարտ և պատերազմասէր մարդ էր, չուզեց բաւականանալ երկրորդական գահով և կամեցաւ առաջինը լինել: Նա այնքան ուժեղացաւ, որ աւագութիւնը վերջապէս խլեց պարսից թագաւորներից, իր արքունիքը շինեց հէնց Պարսից աշխարհում ու առանձին դրամ կտրելու եց իր պատկերով:

Պարսից թագաւորը ստիպւած էր նրա ձեռքի տակ ծառայել: Հայաստանում նա թագաւոր նստեցրեց իր որդի Տիգրանին, իսկ հիւսիսային կուսակալութիւնը յանձնեց վրացոց Միհրդատ բղեշխին, որին և տւեց կնութեան իր Արտաշատայ աղջիկը: Այսպէս իր ուզածի պէս էր կարգադրում Արտաշէսը թէ հայոց և թէ հարեան ազգերի գործերը:

Բայց նա փափագում էր նոր և նոր երկիրներ նւաճելու: Նա անհամար զօրքեր հաւաքեց արևելեան և հիւսիսային կողմերից ու այս բազմութեամբ դիմեց դէպի արևմուտք: Ամեն տեղ, ուր նա իջևանում էր կամ որտեղից անցնում, նա պատւիրում էր մարդագլուխ մի մի քար ձգել, այդպիսով ահագին բլուրներ էին կուտակւում: Երբ նրա զինւորները գետից ջուր էին խմում, գետը նւագում էր, ինչպէս ձմեռայ ամիսներում, և վերևից հոսող ջրերը չէին կարողանում պակասը լցնել: Կուր ժամանակ նրա զօրքերի նետերի խտութիւնից արեգակը ծածկւում խաւարում էր, և պայծառ կէսօրը մութ գիշեր էր դառնում:

Ու այնքան շատ էին նրա զինւորները, որ անկարելի էր լինում նրանց մէկ-մէկ համարել, այլ միայն չափելով էին իմանում նրանց թիւը:

Ահա այսպիսի ահագին բազմութեամբ Արտաշէսը անցաւ արևմուտք և հեղեղեց ամբողջ Փոքր-Ասիան: Ամեն տեղ, ուր նա գտնում էր պղնձաձոյլ ոսկեզօծ կուռքեր, նա հրամայում էր վերցնել և տանել Հայաստան: Այս կուռքերը դրւեցին Արմաւրում:

Այսպէս նա հասաւ մինչև այն ծովը, որի միւս ափին Յունաստանն էր: Նա անթիւ նաւերով լցրեց ծովը և անցաւ միւս կողմը, որովհետև մտադիր էր ամբողջ արևմուտքը իրեն ծառայեցնել: Ոչ ոք չէր կարողանում նրա զօրութեան ընդդիմադրել: Հարուստ քաղաքներ, շէն աւաններ նա աւերեց և այստեղից էլ բազմաթիւ կուռքեր ուղարկեց Հայաստան: Նրանք դրւեցին Եփրատի վերնագաւառի նւիրական մեհեաններում: Բայց յայտնի չէ

թէ ինչու—արդեօք թշնամու ոսկուց շլացած թէ՞ թագաւորի գոռոզամտութիւնից զգւած—նրա զօրքերը ոտքի ելան և սկսեցին իրար կոտորել: Արտաշէսը ստիպւած էր փախչել և ճանապարհին սպանւեց իր զինւորներից: Մեռնելիս նա յուսախափ բացականչեց.

—Աւսող փառացս անցաւորի (Աւաղ այս անցաւոր փառքին):
Եւ արտասուեց:

VIII ԵՐԻԱՆԴ ԱՐՇԱԿՈՒՆԻ ԵՒ ՍՄԲԱՏ ԲԻԻՐԱՏԵԱՆ

Շատ թագաւորներ նստեցին Հայաստանում Վաղարշակից յետոյ Արշակունի տնից, և Բագրատունի նախարարները միշտ հաւատարիմ ծառայում էին նրանց: Բագրատունիներն էին մեծացնում և կրթում թագաւորական տղաներին և յետոյ նրանցից մեծին՝ հօր մահից յետոյ գահ նստեցնում և գլխին Արշակունեաց ժառանգական թագը դնում:

Շատ մեծամեծ մարդիկ դուրս եկան այս իշխանական ցեղից և փառաւորւեցին ոչ միայն հայրենի աշխարհում, այլ և Հայաստանից դուրս: Բայց նրանց մէջ ոչ ոք այնպէս անուն չը հանեց, ինչպէս Սմբատը, Բիւրատ Բագրատունու որդին:

Նա բաջ էր և անյաղթելի. ժամանակակիցների մէջ ոչ ոք չունէր նրա նման աջողութիւն պատերազմներում: Քաջութեան համեմատ էր և նրա մարմնի մեծ հասակն ու ամուր կազմաւորը: Մինչև խորին ծերութիւն նա ֆրաց արագաշարժ և աշխոյժ, և նոյն իսկ ալեւոր մաղերով զարդարւած տարիքում պահպանեց իր երիտասարդական գեղեցկութիւնը. աչքի մէջ ունեցած արիւնի բիծը աւելի էր գեղեցկացնում նրան: Նա՛ չը նայած մարմնի ուժին և ամրութեան, ամեն բանի մէջ զգոյշ էր ու հեռատես և իր առաքինութիւններով ամենքի սիրտն ու ոգին էր շահում:

Սմբատ Բիւրատեանը իր ամբողջ կեանքը զոհեց գահ բարձրացնելու Սանատրուկ թագաւորի որդի՝ մանուկ Արտաշէսին, որը միակ օրինական ժառանգն էր հօրից յետոյ։ Ոչ կաշառքը, ոչ մեծամեծ պատիւներ խոստումը, ոչ էլ փառքը օտար աշխարհում նրան չը գրաւեցին, և նա հաւատարիմ մնաց իր պարտքին։

Սանատրուկին իր ծծով մեծացրել էր Սմբատի հօրաքոյր Սանտարը, որ Արծրունի իշխանին էր մարդու գնացած։ Պատմում են, որ մի ձմեռ օր, երբ երեխայի մայրը՝ Օդան և ծծմայր Սանտար անցնում էին Կորդուաց լեռներով, սաստիկ բուք բարձրացաւ, մրրիկը ցրեց ամենքին և այլ ևս մէկը միւսին չէր կարողանում գտնել։ Սանտար երեխան գրկած՝ երեք օր երեք գիշեր մնաց ձիւնի տակ, երեխային իր կաթով կերակրելով և մարմնի տաքութեամբ տաքացնելով։ Աստուածները մի ինչ որ հրաշալի կենդանի ուղարկեցին, որ պահում պահպանում էր նրանց։ Շատերը կարծում են որ այդ կենդանին սպիտակ շուն է եղել, որին իրենց հետ էին վերցրել կորածներին որոնող մարդիկ՝ և նա է պատահել ու գտել մանուկին և դայեակին։ Այդ բանից յետոյ երեխան կոչւեց Սանատրուկ, այսինքն՝ Սանտար տուրք։ Այս Սանատրուկը յետոյ Հայոց թագաւոր դարձաւ։

Իր թագաւորութեան վերջին տարիներում նա շատ վստահութիւն էր ցոյց տալիս մի մարդու, որը մօրով նոյնպէս Արշակունի էր։ Սրա անունն էր Երւանդ։ Նրա մայրը՝ խոշոր մարմնով և խոշոր դէմքով, ինքնակամ մի կին էր, որին իշխաններից ոչ ոք սիրտ չարեց կին առնելու. նա այն ժամանակ մի անյայտ մարդ ուզեց և ծնեց երկու մանուկ. մէկի անունը դրին Երւանդ, միւսինը՝ Երւազ։ Երւանդը մեծանալով դառաւ մի սրտոտ, քաջ և յաղթանդամ տղամարդ և սիրելի եղաւ Սանատրուկին, այնպէս որ Հայոց բոլոր նախարարների մէջ առաջին տեղը բռնեց։

Նա իր խոնարհութեամբ և առատաձեռնութեամբ ամենքին իր կողմն էր քաշում։ Երբ Սանատրուկը մեռաւ, որսի ժամանակ մի նետից՝ յայտնի չէ թէ ինչպէս վիրաւորւե-

լով, — Երւանդը օգուեց շփոթութիւնից և իր կողմնակիցների օգնութեամբ թագաւոր նստեց։ Բայց Բագրատունիների ազգից ոչ ոք չը կամեցաւ նրա գլխին թագ դնել և այդպիսով նրան օրինական թագաւոր ճանաչել։

Թագաւորելուց յետոյ կասկած ընկաւ Երւանդի սրբատում՝ չըլինի թէ Սանատրուկի որդիքն ուղեւան հայրական գահին տիրանալ, և նա կոտորել տւաւ ամենքին։ Միայն մի տղայ, որի անունն էր Արսաւէս, ազատեց այդ կոտորածից։ Ծծմայրը նրան փախցրեց դէպի արևելք և Կասպուտան (Ուրմիոյ) լճի մօտերքում թաք կենալով՝ մարդ ուղարկեց նրա «դայեակ», կամ դաստիարակ Սմբատ Բիւրատեանի մօտ եղելութիւնը իմաց տալու։ Սմբատը այդ ժամանակ իր տոհմական կալաւորներում էր, ճորտիս գետի հովտում, Սպեր գաւառում, Սմբատաւան գիւղում։ Հէնց որ լսեց սարսափելի բօթը, որ Սանատրուկը մեռել է, իսկ նրա որդիք Երւանդի հրամանով կոտորել են, նա իսկոյն իր երկու աղջիկներին՝ Սմբատանոյշին և Սմբատուհունն տարաւ նստեցրեց Բայբերդ և այդտեղ ընտիր պահապաններ դրեց, որ ամբողջ պաշտպանեն. իսկ ինքը իր մէկ կնոջ հետ և սակաւաթիւ մարդկանցով շտապով ընկաւ մանուկ Արտաշէսին գտնելու։ Երւանդը իմացաւ նրա գնալը և ետևից մարդիկ ուղարկեց որ բռնեն։ Այդ պատճառով Սմբատը գտնելով Արտաշէսին, ստիպւած էր երկար ժամանակ ծածուկ, զգեստները փոխած, լեռներում ու դաշտերում օտով թափառել, իջևանել մանուկի հետ մար հովիւների վրաններում և իջևաններում, մինչև որ յարմար ժամանակ գտաւ և փախաւ պարսից թագաւորի մօտ։ Սմբատի քաջութեան համբաւը վաղուց արդէն հասել էր պարսից արքայի ականջը, և նա մեծ պատիւներ տւաւ հայ նախարարին իր զօրավարների հետ հաւասար, իսկ Արտաշէսին, որը Արշակունի էր, ուրեմն իր հեռաւոր ազգական, կրթեց իր որդիների հետ։

Երւանդը շատ էր մտածում այն բանի մասին, թէ ինչպիսի պատուհաս է պահւում իր համար պարսից ար-

քունիքում, և անհանգստութիւնից չէր կարողանում քնել: Նոյնիսկ եթէ քնում էլ էր, միշտ սարսափելի երազներ էր տեսնում: Եւ անա նա դեսպաններ է ուղարկում պարսից թագաւորի մօտ և այսպէս ասում.

—Արիւն և հարագատ իմ. ինչո՞ւ ես իմ և իմ թագաւորութեան դէմ քո տանը մեծացնում մար Արտաշէսին, ի՞նչու ես ականջ դնում աւագակ Սմբատի խօսքերին, ի՞նչու ես լսում նրան և հաւատում իբր թէ դա Սանատրուկի որդի է, Արշակունի և քեզ արիւնակից ու հարագատ: Նա Սանատրուկի որդի չէ, այլ Սմբատը խաբում է, մար հովիւները մի ինչ որ տղային աշխատում է Արշակունի շինել, և սուտ-սուտ բաներ է հնարում:

Նոյնպէս և շատ անգամ ուղարկում է Երևանդը Սրմբատի մօտ և ասում.

—Ի՞նչու ես դու այդքան աշխատում: Ծծմայրը քեզ խաբել է. ի՞նչու ես իմ դէմ մի մար տղայ մեծացնում:

Բայց պարսից թագաւորը ոչինչ չի պատասխանում, իսկ Սմբատը այնպիսի անախորժ, ծանր ու կծու խօսքերով է ետ դարձնում իրեն մօտ եկողներին, որ Երևանդը սաստիկ գայրանում է և վրէժը հանում է նրա աղջիկներից: Նա գօրք է ուղարկում Սպեր գաւառը, պաշարում է Բայբերդ ամրոցը, կոտորում է Սմբատի թողած քաջ պահպաններին, գերի է վերցնում Սմբատանոյշին և Սմբատունուն և տանում փակում է նրանց Անի ամրոցում (Եփրատի ափին), թէև քաշում է անպատիւ վարելու նրանց հետ:

Քանի որ մանուկ Արտաշէսը ապրում էր Պարսից արքունիքում, Երևանդը միշտ երկիւղի մէջ էր, որ մի օր նա մեծանալով կը խլի իրենից հայրական գահը: Այս վտանգից ազատելու համար, նա հայոց Միջագետքը տւաւ հոռմայեցիներին և սկսեց նրանց մեծ հարկ վճարել:

Երևանդը վախենում էր նախարարներից, վախենում

էր և ժողովրդից: Ուստի մտածեց շինել իր համար մի ամուր քաղաք, մանաւանդ որ Երասխը հեռացել էր Արմաւրի տակից և ձմեռւայ ցրտերին, հիւսիսային սառը քամիներից քաղաքում բոլոր աղբիւրները սառչում էին ու բնակիչները ոչ մի տեղից չէին կարողանում բաւականաչափ ջուր գտնել: Թագաւորը մի քարաբլուր ընտրեց հին քաղաքից մի փոքր հեռու դէպի արևմուտք, Երասխի ափին, այնտեղ, որտեղ դիմացի կողմից թափւում է Ախուրեանը, պատեց այդ բլուրը ամուր պարիսպներով և այստեղ տեղափոխեց իր արքունիքը թագաւորական բոլոր գանձերով և զարդերով: Քաղաքի ներսը նա փորել տւաւ խոր-խոր ջրհորներ, որոնց յատակը գետի յատակին հաւասար էր: Երասխի ջուրը գետնի միջից ծծւելով և զրտւելով՝ հաւաքւում էր այդ ջրհորներում: Իսկ միջնաբերդը նա ամրացրեց բարձր պարիսպով և պարսպի մէջ պղնձե գուններ շինեց, իսկ ներքևից վերև բարձրանալու համար՝ երկաթէ սանդուխտներ: Այդ սանդուխտների մէջ ծածուկ որոգայթներ կային, որ ոչ մի դաւադիր չը կարողանայ ծածուկ մտնել միջնաբերդը, որտեղ ապրում էր թագաւորը: Այդ սանդուխտները երկու տակ էին. մէկը ցերեկւայ՝ սպասաւորների և բոլոր ցերեկով մտնող երևողների համար, իսկ միւսը գէշերւայ՝ դաւադիրների համար, որոնք ընկնում էին որոգայթի մէջ ու բռնւում:

Այս ամուր քաղաքը Երևանդը իր անունով կոչեց Երւանդաւառ:

Բայց նա չուզեց տեղափոխել այստեղ Արմաւրի կուռքերը, որովհետև վախենում էր՝ չը լինի թէ շատ ժողովուրդ հաւաքւի իր նոր քաղաքը զոհաբերութիւնների համար և ինքը անկարող լինի զգուշութեամբ պահել իր պալատը: Երևանդաշատից մօտ 40 ասպարէզ հեռու դէպի հիւսիս նա մի փոքր քաղաք շինեց Ախուրեան գետի վրա և այնտեղ տեղափոխեց բոլոր բազինները. այդ պատճառով քաղաքը կոչւեց Բագարան: Այստեղ նա շինեց մեհեաններ ու քրմապետ նշանակեց իր եղբայր Երւագին:

Գետի հիւսիսային ափին նա մեծ անտառ անկել տւաւ ու պատով շրջապատեց: Ներսը նա լցրեց վայրի այծեամներով, եղնիկներով, եղջերուններով, վայրի էշերով և վարազներով, որոնք այստեղ բազմանում շատանում էին: Այս անտառը ասւեց Յծնողոց անսառ: Այստեղ երւանդը իր սիրտը ուրախացնում էր որսերով:

Բայց բոլոր շինութիւնների մէջ ամենագեղեցիկը և չքնաղը Եւլանդակեւսն էր: Այս դաստակերաւ նա շինեց երասխից դէպի հիւսիս, լայն հովտի մէջ: Մէջտեղ նա շինեց պայծառ շինութիւններ, որոնք արևի լուսով փայլում էին աչքի բքի պէս, և լցրեց այս շինութիւնները բնակիչներով: Բնակութեան շուրջը տարածւում էին ծաղկոցներ և բուրաստաններ, ինչպէս բքի շուրջն է աչքի բոլորակը: Յետոյ գալիս էին բազմաթիւ այգիներ, նման կոպերի խիտ և սիրուն դծերի. իսկ հիւսիսային կողմից ձգւում էր կամարած և բարձրութիւն, գեղեցիկ կոյսի բարձր յօնքի պէս: Հարաւից տարածւում էին հարթ դաշտեր՝ պարզ ու գեղեցիկ ծնօտի պէս, իսկ գետի երկու ափերը նմանում էին երկու շրթունքներին: Այս հրաշալի աչքը կարծես անթարթ հայեացքը յառել էր թագաւորանիստ բարձրագիւր երւանդաշատին ու սքանչացած մնացել էր:

Ճշմարիտ որ թագաւորավայել մի դաստակերաւ էր:

Չուր հօ չէին ասում թէ երւանդը կախարդ է:

Ասում էին իբր թէ նրա շար աչքի նայւածքին ոչ ոք չէր գիմանում: Սպասաւորները սովորութիւն ունէին, որ ամեն առաւօտ լուսանալուն պէս պինդ բարեր էին բռնում երւանդի առջև, և նրա շար նայւածքից քարերը ձաքում էին:

Բայց ոչ իր ճարտար շինութիւններով, ոչ էլ իր հմայութիւններով երւանդը չը կարողացաւ գրաւել նախարարների և ժողովրդի սէրը: Եւ նրա սրտի մէջ դող ընկաւ, երբ լսեց որ Սմբատ Բիւրատեանը բերում է Արտաշէսին Սանատրուկի գահի վրա բազմեցնելու:

Երբ Արտաշէսը մեծացաւ և նրա գայեակ Սմբատը

մեծ անուն հանեց Պարթևաց աշխարհում իր քաջագործութիւններով, պարսիկ նախարարները խնդրեցին իրենց թագաւորին, որ պարգևատրի նրան և տայ, ինչ որ նա կը խնդրի:

— Իմացէք, ինչ է կամենում այդ քաջ մարդը, — պատասխանեց թագաւորը:

Եւ նրանք ասացին.

— Քո անմահ բարերարութիւն, Սմբատը ուրիշ ոչինչ չի ուզում, բայց թէ Սանատրուկի որդի Արտաշէսին, թագաւորութիւնից զրկւած քո արիւն և հարազատին վերագարծնես հայրական գահը:

Արքայից արքան համաձայնեց և տւաւ Սմբատին իր գորքի մի մասը, որ տանի նստեցնի Արտաշէսին Սանատրուկի գահի վրա:

Սմբատը շտապով առաջ գնաց: Երւանդը Ուտիացոց երկրումն էր, երբ իմացաւ որ Սմբատը գալիս է պարսից զօրքերով: Նա թողեց այնտեղ իր նախարարներից շատերին այդ սահմանները պահելու, իսկ ինքը շտապեց իր մայրաքաղաքը և հաւաքեց զօրքեր հայերից, վրացիներից և հարևան ազգերից, որին աղաչանքով, որին պարզկենքով: Գարնան օրեր էին. սրա համար շուտ ժողովեցին բոլոր զօրքերը: Եկել էր նաև Արգամ Մուրացան իշխանը, որին երւանդը վերագարծրել էր երկրորդական գահը, որ դրանից առաջ հայ թագաւորները խլել էին Աժգահակիցեղից: Սա բերել էր իր հետ բազմաթիւ հետևակ զինւորներ: Ոչ միայն սրան, այլ և բոլոր նախարարներին և զօրքերին երւանդը առատ-առատ պարգևներ էր բաժանում:

Երբ Սմբատը Արտաշէսի հետ հասաւ Ուտիացոց սահմաններին, այն կողմի զօրքերը անցան նրա կողմը. զօրքերին հետևեցին և նախարարները: Այս լուրը շփոթութիւն ձգեց երւանդի կողմնակիցների մէջ: Նրանք էլ սկսեցին մտածել երւանդից բաժանւել, մանաւանդ որ տեսնում էին որ հռոմէական օգնական զօրքերը չեն գալիս: Իսկ երւանդը մէկին միւսին բախշում էր գանձեր և պա-

տիւններ, բայց սրանով միայն աւելի ատելի էր դառնում: Բոլորն էլ լաւ գիտէին, որ նա պարզեցնէր է տալիս ոչ թէ առատաձեռն լինելով, այլ Սմբատի երկիրդից, և շատ ստացողները նրան այնքան չէին սիրում, որքան ատում էին նրան քիչ ստացողները:

Գեղամայ ծովի ափով Սմբատը եկաւ Արտաշատ սարի ետևը: Նա չէր վախենում Երևանդի զօրքերի բազմութիւնից, նա երկիրը էր կրում միայն Մուրացան Արգամ իշխանից, որ մի քաջ տղամարդ էր և բազմաթիւ տիգաւորներ (կարճ նիզակներով զինուած մարդիկ) ունէր:

Արտաշէսը ծածուկ պատգամաւորներ ուղարկեց Արգամ նախարարին և երդեց, որ կը թողնի նրան այն ամեն պատիւները, որ ստացել էր Երևանդից, նոյն իսկ աւելի կը բարձրացնի, միայն թէ նա թողնի Երևանդին և հեռանայ:

Երեք հարիւր ասպարէզ Երևանդաշատից հեռու դէպի հիւսիս, Ախուրեան գետի ափին, Արտաշէսն ու Երևանդը իրար պատահեցին: Սմբատը հնչեցրեց պղնձէ փողերը և առաջ ընկաւ, վրա պրծաւ Երևանդի զօրքերին, սրպէս մի զայրացած արծիւ կաքաւների խմբին: Արգամը իր բազմաթիւ հետևակներով մի կողմ քաշեց: Երևանդի աջ և ձախ թևերից հայ նախարարներն էլ անցան Արտաշէսի կողմը և խառնեցին նրա մարդկանց հետ: Վրացիք չը դիմացան ու փախան: Միջագետքի զօրքերը սարսափելի ջարդ կրեցին. միայն Տաւրոսի քաղերը դեռ պաշտպանուում էին. նրանք երդւել էին և խոստացել Երևանդին իրենց կեանքը չը խնայել և Արտաշէսին սպանել: Նրանք թշնամիների շարքերը ձղելով՝ միշտ դէպի առաջ էին գնում, դէպի Արտաշէսի կանգնած տեղը, երբ մէջ ընկաւ Արտաշէսի ծծմօր որդին՝ Գիսակը հետևակ. նա նրանց առաջը կտրեց, սպանեց նրանց, բայց կուռի մէջ թշնամու սրից նրա դէմքի կէսը վայր բերեց, և նա մեռաւ, բայց փրկեց իր կաթնեղբօրը:

Այն ժամանակ Երևանդի ամբողջ զօրքը սկսեց փախչել, իսկ Երևանդը ձի հեծած շտապեց իր մայրաքաղաքը:

Նա ձին փոխում է ամեն իջևանում, որ կարգել էր իր բանակից մինչև իր քաղաքը: Բայց Սմբատը՝ չը նայելով գիշերայ ժամին, հալածում էր նրան սակաւաթիւ կտրիճներով մինչև Երևանդաշատի դուռը:

Մարաց զօրքերը այդ գիշեր մնացին Երևանդի զօրքի տեղում և բանակեցին դիակների վրա, իսկ Արտաշէսը իջաւ Երևանդի՝ կաշով և կտաւով պատած վրանում և այդտեղ. անցկացրեց գիշերը: Եւ երբ լուսացաւ, Արտաշէսը չուզեց անարգել Երևանդին պաշտպանող քաջերին և ազնուութեամբ, իշխանաբար հրամայեց նրանց դիակներն էլ թողել իր ընկած զինուորների հետ, որպէս զի վայրենի գազաններն ու թռչունները չը զգգեն նրանց: Այն հովիտը, որտեղ նա բանակեց դիակների վրա, նա կոչեց Մարաց մարգ, իսկ կուռի տեղը՝ Երևանդավան, այսինքն մի տեղ, որտեղից ինքը վանել, փախցրել է Երևանդին:

Այս այսպէս անելով՝ Արտաշէսը գնաց դէպի Երևանդի քաղաքը: Կէսօրից առաջ էր որ նա հասաւ դաստակերտին: Նա հրամայեց իր զօրքերին գոչել «Մար ամադ», այսինքն՝ «Մարն եկաւ», յիշեցնելով այն վիրաւորական խօսքը, որ Երևանդը ուղարկում էր պարսից թագաւորին և Սմբատին, նրան մար հովւի որդի կոչելով: Այնուհետև դաստակերտը սկսեց Մարմէս կոչել, որովհետև Արտաշէսը կամենում էր որ Երևանդի անունը վերցւի այդ տեղի վրայից:


Մինչև Արտաշէսի գալը Սմբատը իր փոքրաթիւ զնդով պահում էր քաղաքի դուռը: Երբ ամբողջ զօրքը հասաւ և յարձակում գործեց ամրոցի վրա, ամրոցի մարդիկ անձնատուր եղան և դուռը բաց արին: Զինուորներից մէկը վազելով մտաւ պալատը, վաղրով (թրով) զարկեց Երևանդի գլխին և նրա ուղեղը ցրեց տան յատակի վրա: Այսպէս վախճանեց Երևանդը, Սանատրուկի որդոց կտորորդը: Բայց Արտաշէսը չը թողեց անպատել նրա դիակը. նա յիշում էր որ Երևանդն էլ Արշակունի արիւնից էր, և հրամայեց թողել նրա դիակը և վրան արձան կանգնեցնել:

Երևանդի մահից յետոյ Սմբատը մտաւ թագաւորական գանձարանը, պտրտեց այնտեղ ու գտաւ Սանատրուկի ծանօթ թագը, բերեց դրեց Արտաշէսի գլխին և թագաւորեցրեց նրան Հայաստանի վրա:

Այդ օրը ամենաերջանիկ օրն էր Սմբատ Բիւրատեանի համար:

IX ԱՐՏԱՇԷՍ Բ. ԵՆ ԱՐՏԱՒԱՁԴ

Արտաշէսը տիրացաւ նորից իր հայրական գահին և չը գիտէր թէ ինչպէս իր երախտագիտութիւնը ցոյց տայ այն



Սմբատը քաղաքում է Արտաշէսին

ամենքին, որոնք իրեն օգնել էին այդ դժւար և վտանգաւոր գործի մէջ: Նա մեծ-մեծ պարգևներ տւաւ պարսից զօրքին, որոնք քանի-քանի անգամ իրենց արիւնը թափել էին նրա համար, և սրտանց շնորհակալութիւն յայտնելով նրանց՝ ճանապարհ ձգեց իրենց հայրենիքը: Մուրացան

իշխան՝ քաջ և պատւական Արգամին նա ոչ միայն, ինչպէս խոստացել էր, կրկին երկրորդական գահը տւաւ, այլ և նւիրեց յակնթակապ պսակ, գինդեր (օղեր) երկուականջներին և կարմիր կօշիկ մի ոտին. Արգամը ստացաւ իրաւունք թագաւորի սեղանին ոսկի գդալով և պատառաքազով ուտելու և ոսկեղէն գաւաթով խմելու:

Չը մոռացաւ մանուկ թագաւորը և իր անձնէր դայեակ Սմբատին. նա նոյն պատիւները տւաւ նրան, ինչ որ տւել էր Արգամին, բացի երկուականջի գնդերից և կարմիր կօշիկներից, բայց դրա փոխարէն կարգեց նրան բոլոր նախարարներին բարձր: Արտաշէսը ոչ միայն հին, հայրենական թագակապ ասպետութիւնն և արևմտեան զօրքի իշխանութիւնը յանձնեց Սմբատին, այլ և հրամանատար նշանակեց նրան բոլոր զործակալների և կարգադրիչ ամբողջ արքունի տան: Արտաշէս թագաւորը վշտացած էր որ մեռել էր իր ստընտւի որդին՝ Գիսակը: Այն ժամանակ նա բարձրացրեց նրա որդի Ներսէսին: Նա նախարարական պատիւ տւաւ Ներսէսին ու նրա սերնդին և կոչեց այս նոր նախարարական ազգը Գիմարսեան, այսինքն՝ «Գէմք-կէսեան»-ի յիշատակ Գիսակի, որը իր կաթնեղբայր Արտաշէսին պաշտպանելիս՝ կուէի մէջ թշնամու սրից կորցրել էր դէմքի կէսը:

Ամենքից շատ Արտաշէսը պարնական էր պարսից թագաւորին, որ հարագատ հօր պէս իրեն պատասպարել և ամենազլխաւոր օգնականն էր եղել: Նա հրամայեց Սմբատին գնալ ամուր Բագարանը, սպանել այնտեղ քրմապետ Երևազին և բերել նրա գանձերը: Սմբատը անցաւ դէպի հիւսիս, բռնեց Երևազին, մի ծանր երկանաքար հրամայեց կապել նրա վզից ու ձգել նրան Ախուրեան գետի ոլորտների մէջ, իսկ նրա տեղ քրմապետ կարգեց Արտաշէսի մերձաւորներից մէկին, որ մի ժամանակ մի ինչ որ երազահան մոզի աշակերտ էր եղած և այդ պատճառով Մոզպաշտէ, այսինքն՝ «Մոզ պաշտող» էր կոչուում: Երևազի հինգ հարիւր ծառաները և բոլոր գանձերը, նոյնպէս և մեհենանե-

րի ամենաընտիր ակնեղէնն ու ոսկեղէնը Սմբատը աւար առաւ ու բերեց Արտաշէսի մօտ: Այս հարստութիւններից թագաւորը Սմբատին նւիրեց հինգ հարիւր ծառաները, իսկ բերած գանձերի վրա աւելացրեց նաև իր գանձարանից բազմաթիւ թանգազին իրեր և յանձնեց Սմբատին, որ տանի իր կողմից ընծայ իր հայր և օգնական պարսից թագաւորին:

Սմբատ Բիւրատեանը դիմեց Երևանդաշատից դէպի Պարսկաստան.

Նա անցաւ Մասիս լեռան միւս կողմը և այնտեղ, Արածանի գետի ափին, ակունքից ոչ հեռու, Նպատ լեռան ստորոտում հիմնեց մի աւան և այդ աւանում բնակեցրեց իրեն ընծայած՝ Երևազի ծառաներին. այդ պատճառով այդ աւանն էլ նրանց հին բնակավայրի անունով կոչւեց Բագարան: Այնուհետև Սմբատը շտապեց իբրև ընծայատար պարսից թագաւորի մօտ, հանգիստ լինելով որ իր բացակայութեան միջոցին ոչ մի թշնամի չի յարձակւի Հայաստանի վրա: Բայց այդպէս չեղաւ. հէնց այդ ժամանակ եկան հոռմէական կայսեր հարկահանները և անազին զօրքով կանգնեցին հայոց սահմանների մօտ: Նրանք պահանջեցին Արտաշէսից Երևանդի վճարած տարեկան հարկը և սպառնում էին ներս խուժել Հայաստան, տակն ու վրա անել, քանզեւ ամբողջ աշխարհը: Իսկ սպարապետ Սմբատը հեռու էր: Արտաշէսը լաւ համարեց աղաչել հոռմայեցիներին ետ կենալ իրենց մտադրութիւնից, հարկը իսկոյն ուղարկեց նրանց և այդպիսով հաշտութիւն արաւ նրանց հետ:

Արտաշէսը չուզեց բնակւել Երևանդի շինած քաղաքում և գնաց այնտեղ, որտեղ խառնւում են Երասխն ու Մեծամօրը. այդտեղ մի բլուրկար, որ նա շատ հաւանեց, անա այդ բլրի վրա նա շինեց մի նոր քաղաք, որ իր անունով անուանեց Արսաւա: Երասխը ինքը կարծես նրան օգնում էր, բերելով իր հետ մայրի փայտ, և առանց դժւարութեան ու կարճ ժամանակում շինւեց այդ քաղաքը: Քաղաքի մէջ Արտաշէսը կառուցեց մի մեհեան և հրա-

մայեց արդտեղ տեղափոխել Բագարանից բոլոր բազիններն ու հայրենի կուռքերը: Այստեղ փոխադրեց նա Երևանդաշատից բոլոր զարդարանքները, թէ այն, որ տարւած էին Արմաւրից, և թէ այն, որ ինքը Երևանդն էր շինել, և ինքն էլ իր կողմից շատ հոյակապ շինութիւններով ձուլացրեց իր արքայանիստը: Եւ եղաւ Արտաշատը ամենագեղեցիկն և ամենահարուստը Հայաստանի քաղաքների մէջ, որովհետև թագաւորը Երևանդաշատից բերեց և բնակեցրեց այստեղ նոյնպէս և այն արհեստաւոր և վաճառական հրէաներին, որոնց Երևանդը Արմաւրից էր տարել իր քաղաքը: Այս հրէաները շատ տարիներ առաջ գերի էին բերւած Պարստինէից և բնակեցրած էին Արմաւրում:

Արտաշատը դեռ շինւում էր, երբ յանկարծ Կովկասի լեռնաբնակ ալանները՝ միացնելով իրենց հետ բոլոր լեռնականներին և վրացիներից շատերին, մեծ ամբոխով ասպատակեցին Հայաստան և տարածւեցին մեր երկրում: Արտաշէսը իսկոյն հաւաքեց բազմաթիւ զօրութիւն և գնաց նրանց դէմ: Ալանները չըկարողացան դիմանալ հայ քաջերի յարձակման և ետ քաշւեցին, անցան Կուր գետի միւս ափը և այնտեղ բանակ դրին, իսկ նրանց դիմաց, գետի աջ (հարաւային) ափին Արտաշէսը կանգնեց իր զօրքով:

Հայերի ձեռքն էր ընկել ալանաց արքայի որդին: Ալանաց արքան խաղաղութիւն էր առաջարկում Արտաշէսին, խոստանում էր տալ ինչ որ կը խնդրի, ասում էր թէ երդումով յաւիտենական դաշինք կը հաստատի, որպէս զի երբէք ալանների կտրիճները չասպատակեն և չաւերեն Հայոց աշխարհը: Բայց Արտաշէսը այնքան էր գայրացած, որ ոչ մի պայմանով չէր ուզում բաց թողնել գերեալին և սպառնում էր կամ սպանել տալ պատանու, կամ իբրև ստրուկ պահել նրան իր մօտ և ստիպել բանել ծառաների հետ: Այն ժամանակ պատանու քոյր Սաթենիկը մօտեցաւ գետափին և մի բարձր տեղ կանգնելով՝ զիլ ձայնով այսպէս կանչեց թարգմանի բերանով Արտաշէսի բանակի կողմը.

— Քեզ եմ ասում, ով այր քաջ Արտաշէս, որ յաղթե-

ցիր արանաց քաջ ազգին. եկ այդ պատանուն ինձ ընծայիր,
 արանների գեղաչեայ արքայադուստրին: Միթէ վայել է
 զիւցազներին որ մի դատարկ վոէժինդրութեան համար
 կեանքից զրկեն ուրիշ զիւցազունների զաւակներին կամ
 սորուկների պէս պահեն ու ծառայեցնեն նրանց և յաւի-
 տենական թշնամութիւն զցեն երկու քաջ ազգերի մէջ:

Այս իմաստուն խօսքերը լսելով, Արտաշէսը դուրս
 վազեց բանակից և մօտեցաւ գետի ափին: Նա տեսաւ հեռ-
 ւից արանաց աղջկան և հիացած մնաց նրա գեղեցկութիւ-
 նից: Վերադառնալով իր վրանը, նա կանչեց իր մօտ իր
 դայեակ Սմբատին և յայանեց նրան իր սրտի ցանկու-
 թիւնը:

— Ես ինձ կին պիտի առնեմ այդ գեղեցիկ և իմաստուն
 աղջկան. թող պատանին խաղաղութեամբ վերադառնայ իր
 հօր մօր, թող յաւիտենական դաշինք և ուխտ հաստատուի
 երկու քաջ ազգերի մէջ:

Հաւանեց Սմբատը Արտաշէսի այս մտադրութիւնը և
 խնամախօս ուղարկեց արանաց թագաւորի մօտ:

— Տուր արանաց տիկին օրիորդ Սաթենիկին Արտաշէ-
 սին կնութիւն:

Բայց արանաց թագաւորը վեր թռաւ տեղից ու բա-
 ցականչեց:

Ուստի՞ տացէ քաջն Արտաշէս հազարս ի հազարաց և
 բիւրս ի բիւրուց ընդ քաջազոյ կոյս օրիորդիս արանաց:

(Ո՞րտեղից է տալու քաջ Արտաշէսը հազար հազար-
 ներ և բիւր բիւրեր արանաց քաջազգի կոյս օրիորդի փո-
 խարէն):

Այն ժամանակ—

«Հեծաւ արի արքայն Արտաշէս ի սեաւն գեղեցիկ,

եւ հանեալ զոսկէօղ շիկափոկ պարանն,

եւ անցեալ որպէս զարծուի սրաթիւ ընդ գետն,

եւ ձգեալ զոսկէօղ շիկափոկ պարանն՝

Ընկէց ի մէջք օրիորդին արանաց,

եւ շատ ցաւեցոյց զմէջք փափուկ օրիորդին,

Արագ հասուցանելով ի բանակն իւր:

(Հեծաւ արի արքան Արտաշէսը գեղեցիկ սև ձին,

եւ հանեց ոսկէօղ կարմրակաշի պարանը,

եւ անցաւ որպէս սքաթիւ արծիւ գետի միջով,

եւ ձգեց ոսկէօղ կարմրակաշի պարանը՝

Փաթաթեց արանաց օրիորդի փափուկ մէջքին.

եւ շատ ցաւեցրեց փափուկ օրիորդի մէջքը,

Արագ հասցնելով նրան իր բանակը):

Այսպէս փախցրեց Արտաշէսը իր հարսնացւին: Այ-
 նուհետև Արտաշէսը շատ ոսկի և կարմիր կաշի ուղարկեց
 արանաց թագաւորին որպէս վարձանք (կամ գլխագին)
 նրա աղջկայ համար և Սաթենիկի հայրը ստիպւած համա-
 ձայնեց, ու մի այնպիսի հարսանիք արին, որ երկար ժա-
 մանակ զուսանները երգում էին:—

«Տեղ ոսկի տեղայր ի փեսայութեանն Արտաշիսի,

Տեղայր մարգարիտ ի հարսնութեան Սաթինկանն»:

(Ոսկի անձրև էր գալիս Արտաշէսի փեսութեան ժա-
 մանակ,

Մարգարիտ էր թափւում Սաթենիկի հարսնութեան
 ժամանակ):

Սաթենիկը եղաւ առաջինն և ամենասիրածը Արտա-
 շէսի կանանցից և նրա որդիքն էին, որ յետոյ մեծամեծ
 գործերի պատճառ եղան: Խաղաղութիւն և սէր հաստատուեց
 արանների և հայերի մէջ: Սաթենիկի ազգականներից
 մի քանիսը եկան նրա հետ և բնակւեցին Հայաստանում:
 Արտաշէսը նրանց հողեր տւաւ ու նախարարական ազգ
 կարգեց, որպէս մեծ թագուհու հարազատներին: Իսկ երբ
 Սաթենիկի հօր մահից յետոյ արանաց աշխարհում խոռ-
 վութիւններ ընկան և Սաթենիկի եղբօր փոխարէն մի ու-
 ըրիշը բռնի թագաւոր նստեց, իսկ Սաթենիկի եղբօրը հա-
 լածեց, Արտաշէսը իր դայեակ անյաղթելի Սմբատ Բիւ-
 բատեանին Արանաց աշխարհը ուղարկեց իր աներոջ որ-
 դուն պաշտպանելու համար: Սմբատը հայոց զօրքերով
 վճարեց ինքնակոչ թագաւորին և հօր զանի վրա նստեցրեց

Մաթենիկի եղբորը, իսկ նրա հակառակորդները հողերը աւերեց, իրենց էլ գերեց և բերեց Արտաշէսի մօտ: Արտաշէսը նրանց բնակեցրեց Մասիս լեռան հարաւ-արևելեան կողմում, Շաւարշական գաւառում. այդ օրւանից այդ գաւառի անունը փոխւեց Արտազ, որովհետև այդ գերիները բերւած էին Ալանաց աշխարհի Արտազ գաւառից:

Ուրիշ տեղերից էլ շատ գաղթականութիւններ բերեցին Արտաշէսն ու Սմբատը Հայոց աշխարհ և բազմաթիւ նոր նախարարութիւններ կարգեցին: Ամբողջ երկիրը բազմամարդացաւ, լեռները, հովիտները լցւեցին գիւղերով և ագարակներով, և որպէս զի մէկի հողերը չը խառնւեն միւսի հողերի հետ, Արտաշէսը հրամայեց գիւղերի և ագարակների սահմանները ձիշա որոշել առանձին նշաններով: Տաշեցին քառակուսի քարեր, մէջները պնակաձև փոբեցին և գետնի մէջ թաղեցին այդ քարերը, իսկ այդ պնակաձև փոսերի մէջ նստեցրին ուրիշ քառակուսի քարեր, որոնք մի փոքր դուրս էին ցցւած երկրի երեսից: Այսպիսով բոլոր հողերը Արտաշէսը չափել տւաւ:

Նա աւելին արաւ: Մինչև նրա օրերը հայերը չէին պարապում գիտութիւններով և արւեստներով և նոյն իսկ չը գիտէին թէ ինչպէս են բոլորում շաբաթները, ամիսներն ու տարիները, այլ ուրիշ ազգերի հաշիւներով էին կառավարւում: Արտաշէսը սովորեցրեց ջոկել ժամանակի այդ շրջանները: Առաջ հայերն էլ, հիւսիսային վայրենի ժողովուրդների պէս աւագակութեամբ և ասպատակութեամբ էին սիրում պարապել և շատ անգամ նոյն իսկ հում միս էին ուտում: Արտաշէսը տարածեց ձկնորսական գործիքներ, մտցրեց նաւագնացութիւն իր աշխարհի ծովակներում, սովորեցրեց ճանապարհորդել գետերով և այնտեղ, որտեղ գեռ չը գիտէին հող մշակել, սովորեցրեց երկրագործութիւն: Եւ նրա աշխատութեամբ այնքան տարածւեցին գիտութիւններն ու արւեստները, որ ասում են նրա օրով Հայոց աշխարհում չէր կարելի գտնել մի թիզ

անմշակ հող, ոչ լեռներում, ոչ էլ դաշտերում, և շէն ու հարուստ դարձաւ երկիրը:

Արտաշէսը բազմաթիւ որդիք ունեցաւ Մաթենիկից. նրանց մէջ աւագագոյնն էր Արտաւազը: Սա մեծանալով՝ մի քաջ և անձնահաճ մարդ դուրս եկաւ, բայց այնքան հպարտ, չարամիտ և նախանձոտ, որ ոչոք չէր ուզում հաւատալ թէ Արտաշէսի պէս բարեգործ մարդուց կարող էր մի այդպիսի անգութ և սևահոգի գաւակ ծնւել: Երգիչները պատմում էին թէ երբ Մաթենիկը պառկեց և առջնիկը ծնեց, վիշապագունները գողացան մանուկ Արտաւազին, թագաւորի իսկական որդուն, և նրա փոխանակ մի դև դրին:

Եւ ուղիղ որ դևի պէս շատ չարութիւն արաւ իր կեանքում Արտաւազը, նա նոյն իսկ ամենամօտիկ մարդկանց փառքին ու պատւին նախանձեց:

Նրա աչքի փուշն էր ծերունի Արգամը, Մուրացան իշխանը, որի երկրորդական բարձի և պատւի վրա նա աչք էր գցել: Նա սկսեց տակէտակ գրգռել նրա դէմ իր միամիտ հօրը, ասելով թէ Արգամը կամենում է ամբողջ երկրի վրա թագաւորել, և այնքան արաւ որ հայրը խլեց Մուրացաններից երկրորդութիւնն ու տւաւ, իրեն՝ Արտաւազին: Մրանից յետոյ մի օր, երբ Արտաշէսը դնացել էր Արգամի մօտ ճաշի, թագաւորի որդիքը կասկածեցին թէ Արգամը վրէժխնդրութիւնից դաւ է սարքել իրենց հօր դէմ, աղմուկ բարձրացրին, յարձակւեցին տանտիրոջ վրա և հէնց հացի ժամանակ քաջքեցին նրան մագերից: Իսկ Արտաշէսը՝ սաստիկ գրգռւած՝ վերադարձաւ Արտաշատ և հրամայեց իր որդի Մաթանին մեծ գնդով գնալ աւերել Մուրացանների կալւածները: Եւ Մաթանը Մուրացաններից շատերին կոտորեց, պալատները այրեց, գիւղերը ոտի հետ հաւասարեցրեց և իր ձեռքը գցելով Արգամի հարձին, որ մի շատ չքնաղ կին էր, բերեց նւիրեց իր հօրը: Թէև մի երկու տարուց Արտաշէսը հաշտեց Արգամի հետ և

վերադարձրեց նրան կալւածները, բայց հաբձին էլ բաց չը թողեց:

Արտաւազդը չը բաւականացաւ այսքան չարութիւններով: Նա ուզեց գրաւել Նախիջևանը և առհասարակ Մուրացանների այն բոլոր բերդերն ու գիւղերը, որ գտնուում էին Արաքսից դէպի հիւսիս, և իր ժառանգական կալւածները դարձնել: Այս բանը չը կարողացաւ տանել Արգամի որդին և գէնքը ձեռքին ընդգիմացաւ թագաւորի որդու ձգտումներին, բայց կուլի մէջ Արտաւազդը յաղթեց և կոտորեց բոլոր Մուրացաններին, չը խնայեց նաև ծերունի Արգամին, ու գրաւեց նրանց բոլոր հողերը: Ոչ ոք կենդանի չը մնաց այդ փառաւոր նախարարութիւնից, բացի մի քանի աննշան և կրտսեր մարդկանցից, որոնք միայն նրանով փրկւեցին, որ փախան, ապաւինեցին Արտաշէսի պալատում:

Արգամից յետոյ հերթը եկաւ Սմբատ Բիւրատեան սպարապետին: Նա նոր էր յաղթութեամբ վերադարձել պատերազմից, ապստամբ ազգերից բազմաթիւ գերիներ բերելով: Արտաշէսը ուզում էր նրան արժանավայել կերպով վարձատրել, բախշեց նրան ամբողջ աւարը և պարգևեց արքունի կալւածներից մի մասը: Այս բանի վրա նախանձեց Արտաւազդը, և մի չար միտք յղացաւ նրա մէջ — սպանել իր հօր հաւատարիմ դայեակին, նրան փրկողին, նրան հայրական գահի վրա բազմեցնողին: Երբ նրա այս մտադրութիւնը բացւեց, սաստիկ վշտացաւ Արտաշէսը: Բայց Սմբատը ինքը յօժար կամքով տեղի տւաւ, չուզեց մրցել արքայորդու հետ, որը հօր մահից յետոյ պիտի նստէր թագաւոր, թողեց նրան սպարապետութիւնը և առհասարակ հայոց բոլոր զօրքերի հրամանատարութիւնը, որին այնպէս փափագում էր Արտաւազդը, ու իր հետ վերջնելով իրեն նւիրած գերիներին՝ հեռացաւ դէպի հարաւ, Կորդրիք (Տմորիք), Ասորեստանի սահմաններից ոչ հեռու, որովհետև ծերութեան հասակում այդ կողմերից կին էր առել և շատ էր սիրում այդ կնոջը:

Այսպէս կարծես Արտաւազդը իրեն հաւատարը չունէր Հայաստանում. նրանն էր երկրորդութիւնը, նրանն էր և սպարապետութիւնը: Բայց այդ զրգոնց նրա եղբայրների նախանձը: Նրանց կանայք ամաչեցնում էին ամուսիններին, թէ ինչպէս տմարդօրէն, տղամարդկանց անվայել երկչոտութեամբ թոյլ տւին հօրը ամբողջ իշխանութիւնը տալ Արտաւազդին: Այն ժամանակ եղբայրները ստիպեցին Արտաշէսին իրենց էլ բաժին հանել իշխանութիւնից, պատիւներից և կալւածներից, և Արտաշէսը կարգեց Վրոյրին, որ մի իմաստուն և բանաստեղծ մարդ էր, հազարապետ ու նրան յանձնեց արքունի տան բոլոր գործերը, իսկ Մաժանին նշանակեց աստուածների հայր Արամազդի քրմապետ Անիում: Միևնոյն ժամանակ նա զօրքի իշխանութիւնը չորս մասի բաժանեց. արևելեան զօրքը և արևելեան կողմնապահութիւնը նա թողեց Արտաւազդին, իսկ արևմտեանը յանձնեց Արտաւազդի ամենասիրելի եղբօրը՝ Տիրանին, հարաւային կողմնապահ հաստատեց նա Սմբատ Բիւրատեանին, իսկ հիւսիսային՝ Զարեհ որդուն:

Թէև այսպէս զօրքի իշխանութիւնը բաժանւեց նաև արքայորդիներին մէջ, բայց եթէ Սմբատը չը լինէր, հազիւ թէ կարողանային նրանք իրենց անփորձ տեղով պաշտպանել և ապահով պահել Հայոց աշխարհը: Սմբատն էր, որ օգնեց Արտաւազդին և Տիրանին, երբ սրտնք գնացել էին ազատելու իրենց եղբայր Զարեհին, որը իր անշնորքութեան պատճառով գերի էր ընկել վրացոց թագաւորի ձեռքը և բանտարկւել էր Կովկասեան լեռներում: Սմբատն էր որ մի փոքր յետոյ Բասենի հովտում օգնեց թագաւորի որդոց և յաղթութիւն տարաւ հռովմայեցիներին դէմ: Որովհետև, երբ արևմտքում, հռովմէական կայսրութեան մէջ, սկսւել էին խռովութիւններ, Արտաշէսը ուզել էր օգտուել այդ հանգամանքից և մերժել էր հարկ վճարելը: Հռովմայեցիք զօրք էին ուղարկել և այդ զօրքը՝ քշելով Տիրանին և նրա արևմտեան գունդը, հասել էր մինչև Բասենի հովիտը: Այստեղ օգնութեան եկան Արտաւազդն ու Զա-

րենը իրենց արևելեան և հիւսիսային գնդերով: Կաւ է որ Սմբատը ժամանակին հասաւ, եթէ ոչ՝ հայոց զօրքը պարտւելու վրա էր: Նա մէջ ընկնելով, չը նայած իր խոր ծերութեանը՝ երիտասարդի պէս կարգաւորեց զօրքերը, վտանգից ազատեց արքայորդիներին, յաղթեց և հետու հալածեց հռովմայեցիներին Հայաստանի սահմաններից դուրս:

Այս յաղթութիւնից յետոյ ապստամբեցին հռովմայեցիներէից նաև պաղեստինացիք և եգիպտացիք, մինչև որ մի նոր կայսր նստեց Հռովմում: Նա նւաճեց եգիպտացիներին և պաղեստինացիներին և եկաւ պարսիկների վրա, որոնք հայերի հետ միացած՝ համարձակել էին ասպատակել հռովմայեցոց երկիրները: Արտաշէսը տեսաւ որ դրժւար թէ կարողանայ յաղթել մի այդպիսի հզօր կայսրի, շտապով մեծամեծ ընծաներով իջաւ նրա առաջ, իրեն մեղաւոր ճանաչեց, վճարեց նախորդ տարիների հարկերն էլ և նրանից թողութիւն առնելով՝ վերադարձաւ Հայոց աշխարհը:

Երբ կայսրը վերադարձաւ պարսից պատերազմից, նրա մօտ ծածուկ գնաց Մաթան արքայորդին, Արամազդի քրքրմապետը: Նա մատնութիւն արաւ և ամբաստանեց իր եղբայրներին.

—Տէր արքայ,—ասաց նա,—իմացած եղիր, որ եթէ չը հեռացնես Անտաւազդին և Տիրանին և հայոց զօրքի հրամանատար չը նշանակես Չարեհին, առանց դժւարութիւնների, անարգել չես ստանալու հարկերդ մեր երկրից:

Մաթանը ատում էր Արտաւազդին Սմբատի պատճառով, որովհետև սա նաև իր դայեակն էր եղած, իսկ Տիրանի գէմ թշնամանք ունէր նրա համար, որ կարծում էր թէ նրա ընկնելով իրեն կը յանձնուի արևմտեան կողմնապահութիւնը և այդպիսով ինքը կը լինի թէ Անիի բրմապետ և թէ արևմտեան զօրքի հրամանատար:

Բայց կայսրը ականջ չը դրեց նրա խօսքերին և ձեռնունայն արձակեց իր մօտից: Արտաւազդն ու Տիրանը իմացան նրա մատնութիւնը և որսի ժամանակ դարանա-

կալութեամբ սպանեցին նրան: Եղբայրասպանները տարան թաղեցին նրան Սմբատի կալածքում, Արածանիի ակունքի մօտ, Բաղնաց ականում, կամ Բագարանում, որպէս քրքրմապետի: Մաթանի գերեզմանի վրա վերջը մի մեհեան կանգնեցւեց և այստեղ էր տօնուում հայոց նոր տարին՝ Նաւասարդը:

Այսպէս Արտաւազդը անգթօրէն թափեց իր հարսզատ եղբօր արիւնը, և եթէ ոտքի չէր կանգնում իր հօր գէմ, պատճառը այն էր, որ գիտէր թէ ինչպիսի անսահման սիրով ժողովուրդն և նախարարները սիրում էին Արտաշէս աշխարհաշէն թագաւորին: Բայց նա չը կարողացաւ իր սիրտը զսպել և վերջը հօր փառքին էլ նախանձեց: Եւ այդ եղաւ այսպէս:

Պաղեստինացիք և ասորիները կրկին ապստամբեցին Հռոմից. պարսիկներն էլ նորից սկսեցին իրենց թշնամութիւնը: Միայն Արտաշէսը մնաց հաւատարիմ: Հռոմայեցոց կայսրը եկաւ Պաղեստինէ, սաստեց այնտեղի ապստամբներին և մեծ զօրքով ուղևորեց Ասորեստան, իսկ հայոց թագաւորին հրամայեց գնալ պարսիկների վրա:

Եւ անա երբ Արտաշէսը հասել էր Մարանդ գաւառի Բակուրակերտ ականը, ծանր կերպով հիւանդացաւ այնտեղ: Մի օմն Աբեղոյ, մի շողօքորթ, կեղծաւոր և խաբէբայ նախարար Աբեղեան տոհմից, սկսեց աղաչել թագաւորին որ թոյլ տայ իրեն գնալ Երիզայ ականը, լուսնի աստլածուհու Անահտի մեհեանը, աղօթել այնտեղ և խընդրել նրանից առողջութիւն և երկար կեանք իր արև թագաւորի համար:

—Նա է, Անահիտ մեծ տիկինը, մեր ազգի փառքն ու կեցուցիչը, նա է բարերար ամենայն բնութեան, նրանով է որ ապրում է և կենդանութիւն ունի երկիրն Հայոց:

Եւ Արտաշէսը թողեց Աբեղոյին գնալ Երիզայ ականը, բայց առաջ քան նա վերադարձաւ, վրա հասաւ մահը: Օտար աշխարհում մեռնելիս, Արտաշէսը կարօտով յիշում էր իր սիրելի հայրենիքը, մտաբերում էր նրա գիւ-

զերից և քաղաքներից արշալոյսին բարձրացող ծուխը և նաւասարդի ուրախ առաւօտը, մտաբերում էր իր աշխոյժ որսերն ու թագաւորական տօնախմբութիւնները, և ասում էր.

Ո՞ տայր ինձ զծուխ ծխանի,
եւ դառաւօտն նաւասարդի,
Զվագեին եղանց և զվագեին եղջերուաց,
Մեք փող հարուար և թմբկի հարկանէար,
Որպէս օրէն է թագաւորաց:
(Ո՞վ կը տայ տեսնեմ ծխանի ծուխը,
եւ նաւասարդի առաւօտը,
Եղնիկների վագվագին ու եղջերունների թռչկոտելը:
Մենք փող էինք փչում և թմբուկ էինք ածում:
Ինչպէս թագաւորների սովորութիւնն է):

Սուգ ու շիւան բարձրացաւ մեռնող Արտաշէսի շուրջը: Սիրելի կանայքը, հարձերն ու մտերիմ ծառաները կոծում էին «էլ ինչացն է մեր կեանքը, եթէ Արտաշէսը չի ապրելու» և իրենց կոտորում էին նրա անկողնու մօտ: Ծանր էր Արտաւազդի համար տեսնել այս ամենը, և նա սրտնեղութիւնից բացականչեց.

«Մինչ դու գնացեր և զերկիրս ամենայն ընդ բեզ տարար,

«Ես աւերակացս իրպէս թագաւորեմ»:

(Ահա դու գնացիր և ամբողջ երկիրը բեզ հեա տարար, ես աւերակների վրա իրպէս թագաւորեմ):

Այն ժամանակ հայրը անիծեց նախանձոտ որդուն և ասաւ.

«Եթէ դու յորս հեծցիս
յԱզատ ի վեր ի Մասիս,
զՔեզ կալցին քաջք,
Տարցին յԱզատ ի վեր ի Մասիս,
Անդ կացես և զլոյս մի տեսցես:

(Երբ որսի երեսն Ազատ Մասիսի վրա, քաջքերը (սա-

րերի ոգիները) բռնեն քեզ և տանեն վեր, Ազատ Մասիսի վրա. այնտեղ մնաս և լոյս չը տեսնես):

Արտաշէսի թագումը շատ հանդիսաւոր էր: Դագաղը սակեղէն էր, միջի բարձն ու անկողինը՝ բեհեզից, հագած ունէր սակեթել հանդերձներ, զլխին թագը, իսկ սակեզէնքը առաջ դրւած: Դագաղի շուրջը գնում էին նրա որդիքն ու բազմաթիւ ազգականները, զինուորական պաշտօնեաներն ու նախարարները իրենց գնդերով և վաշտերով,



Յանկարծ Արտաւազը անգուցըր զօրւեց

կարծես կուի դաշտ գնալիս լինէին: Առջևից պղնձէ փողեր էին փչում, իսկ ետևից գալիս էին սեազգեստ ձայնարկու կոյսեր և լալկան կանայք, նրանք մի առ մի յիշում էին Արտաշէսի մեծ գործերը և բարձր ձայնով խմբովին ողբում էին նրա կորուստը: Ամենքից յետոյ գնում էր խուռն ուսմիկ բազմութիւնը: Այսպէս տարան թագե-

ցին Արտաշէսին, և նրա բաց գերեզմանի մօտ նորից շատերը կամաւոր մահով վերջ գրին իրենց կեանքին և թաղւեցին նրա հետ:

Արտաշէսի մահից յետոյ թագաւորեց Արտաշատը: Նա քշեց Այրարատից իր բոլոր եղբայրներին, որ նրանցից ոչ ոք չը բնակւի արքայի կալածներում. միայն Տիրանին պահեց իր մօտ, որպէս իր փոխանորդ, որովհետեւ ինքը որդի չունէր: Եւ ահա երբ մի օր, անցնելով Արտաշատի կամրջից, Մասիսի մօտ նա կինձ և վայրի էշ էր որսում, յանկարծ նա իր ձիով մի անդունդ գլորւեց և անհետացաւ:

Ասում են թէ քաջքերը նրան կալանաւորել և բանտարկել են մի մութ այրի մէջ: Ասում են՝ նրա ձեռներն ու ոտները ամուր շղթայւած են. երկու հաւատարիմ շուն շարունակ կրծոտում են երկաթէ շղթաները, և նա ճիգ է թափում փշրել շղթաները, դուրս նետուել ապառաժների ծոցից ու վերջ տալ ամբողջ աշխարհին: Բայց դարբինների կռանների զարկերից զօրանում են նրա շղթաները և նա չի կարողանում դուրս պրծնել Մասիսի միջից: Մինչև այսօր էլ կիրակնաւորներն դարբինները երեք կամ չորս անգամ զարկում են սալին, որ պնդանան Արտաշատի շղթաները:

Եւ Աստուած չանի, որ նա ջախջախի իր կապանքները և դուրս պրծնի լոյս աշխարհ:

Յ Ա Ն Ե Ղ Ի Ս Ս Ծ

Ջ Ր Հ Ե Ղ Ե Ղ

Բարեկացոց աւանդութիւն *

Եփրատի ափին կանգնած էր Սուրիպակ քաղաքը: Հին և պիղծ քաղաք. Աստուածները կամեցան ոչնչացնել նրա բնակիչներին, որ չը բազմանան նրանք, որ ոչ մի

*) Այս աւանդութիւնը պատմում էին և հեթանոս հայերը: Բրիտանոնեայ հայերը Քսիսութրի տեղ ասեցին Նոյ:

կենդանի արարած չը մնայ երկրիս երեսին: Մեծ աստուածները բոլորը միասին հաւաքւած խորհուրդ արին: Բայց անհասանելի իմաստութեան տէրը, էա աստուածը մտքումը դրեց նրանց խորհուրդը յայտնել մարդկանց: Նա եկաւ և յայտարարեց թէ աղքատներին և թէ հարուստներին. «Ով խրճիթ, խրճիթ եղեգնէ, ով պալատ, պալատ աղիւսէ Լսիր ինձ, խրճիթ: Լսիր ինձ, պալատ: Լսիր, ով որդի Ուրարատուտուի, Քսիսութր: Նաւը թոյլ լինի քեզ համար տուն. նաւ շինիր: Թոյլ քո ունեցած չունեցածը, կեանքդ փրկիր: Վերցրու քեզ հետ նաւի մէջ կեանքի ամեն տեսակ տեսակ սերմեր: Քո նաւը թոյլ լինի երկար, բայց լայնութիւնն ու խորութիւնը թոյլ միատեսակ լինեն: Եւ իջեցրու նաւդ ծովի վրա»:

Եօթն օր եօթը գիշեր բարեպաշտ Քսիսութրը շինում էր իր նաւը: Նա ուշի ուշով կախեց բոլոր ծակոտիկները. վեց չափ կուպր նա գործածեց, բոլոր ճեղքերը ծեփեց:

Նա բազմաթիւ եգներ մորթեց, ահագին սափորներով անուշահոտ իւղ, մեղր, գինի ծախսեց զոհաբերութեան ժամանակ, երբ նաւը վերջացած էր: Յետոյ նաւը իջեցրեց ջուրը: Եւ ինչքան կարողութիւն ունէր, բոլորը բարձեց նաւի վրա: Ինչքան ոսկի և արծաթ ունէր, բարձեց: Ամբողջ իր ընտանիքը, բոլոր տանեցիկներին, ընտանի կենդանիներին ու վայրի գազաններին նա ներս տարաւ նաւը:

Երբ նշանակւած ժամը լրացաւ, Քսիսութրը նայեց երկրին և սարսափեց: Նա մտաւ նաւը և դուռը ամուր փակեց: Նաւապետին նա յանձնեց այդ ահագին տուն

Եւ ահա ծագեց արշալոյսը, սև սև թուխպեր բարձրացան երկրակամարի վրա, որոտը որոտաց, կործանիչ ոգիները սաւառնեցին սարերի, ձորերի վրայով: Ժանտախտի աստուածը ազատութիւն տուեց հողմերին. հողմերը մինչև երկինքն էին բարձրացնում փոշին, և խաւարն ու լոյսը իրար խառնւում էին: Յետոյ սոսկալի հեղեղներ սկսեցին թափուել: Մարդիկ խելագարի պէս դէս ու դէն էին ընկնում: Եղբայրը չէր տեսնում եղբօրը, ոչ ոք ուրիշի մասին

չէր մտածում: Նոյնիսկ աստուածները երկնքում սարսափահար եղան. նրանք թաք կացան Անու^{*)} աստծու մօտ, ամենավերջին երկնքում և կծկւել պահել էին երկնային վանդակի մօտ.

Աստուածները նստոտած էին վշտահար, գլխակոր, անշարժ. նրանց շրթունքները ամուր սեղմւած էին:

Վեց օր և վեց գիշեր երկրիս երեսին վխառւմ էին հողմերը, ջրերն և մրրիկը, բայց եօթներորդ օրւայ լուսաբացին փոթորիկը դադարեց, ջրերը խաղաղւեցին և ծովը հանդարտւեց: Քսիսուլթրը բաց արաւ պատուհանը և ցերեկւայ լոյսը ընկաւ նրա երեսին: Նա նայեց իր շուրջը— միայն անծայր ծով էր և մարդոց դիակները լողում էին ջրի երեսին: Նա վշտից չը կարողացաւ ոտքի վրա կանգնել և գրեթէ ուշաթափ պիտի նստէր. երեսը ձեռքերով ծածկեց և սկսեց բարձրաձայն հեկեկալ:

Մէկ օրից յետոյ երևաց մի կղզի: Նաւը լողում էր դէպի Կորդուաց լեռները. մի սղոցաձուկ առաջը կարեց և կանգնեցրեց նրան մի լեռան վրա: Լեռը նրան թոյլ չէր տալիս այլ ևս ձօձւել: Այսպէս անցաւ առաջին օրը, և երկրորդը, և երրորդը, յետոյ չորրորդը, հինգերորդը և վեցերորդը: Եօթներորդ օրւայ լուսաբացին նա վերցրեց մի աղաւնի և բաց թողեց: Աղաւնին թռաւ հեռու, պտուեց մի քանի անգամ, բայց հանգստանալու տեղ չը գտնելով՝ վերադարձաւ: Այն ժամանակ նա վերցրեց մի ծիծեռնակ և բաց թողեց: Ծիծեռնակը թռաւ հեռու, պտուեց մի քանի անգամ, բայց հանգստանալու տեղ չը գտնելով՝ վերադարձաւ: Այն ժամանակ նա վերցրեց մի ագռաւ և բաց թողեց: Ագռաւը թռաւ հեռու և տեսնելով որ ջուրը պակասել է, սկսեց ուտել դիակների միսը, կռուալով հեռանալ և այլ ևս չը վերադարձաւ:

Այն ժամանակ Քսիսուլթրը արձակեց բոլոր կենդանիներին աշխարհի չորս կողմը և ինքը սկսեց զոհ մատուցանել: Լեռան գագաթին նա սեղան կանգնեցրեց, նրա վրա

*) Անու՝ երկնքի աստուած էր, Բէլը՝ երկրի, Իսկ էա՝ ծովի:

դարսեց սրբազան անօթները ամեն մի շարքում, եօթը-եօթը դրեց. նրանց մէջ կինամոն և զանազան անուշահոտութիւններ: Իմացան աստուածները, անուշ հոտն իմացան: Ճանճերի պէս նրանք վժվժում էին զոհարանի շուրջը: Եւ երբ եկաւ Իշտար (Աստղիկ) աստուածուհին, նա հանեց իր վզից Անու աստծու շինած մանեակը և ծիածանի պէս կապեց երկնքի կամարին:

—Ով աստուածներ,—նա ասաց,—երգւում եմ իմ մանեակով՝ երբէք չը պիտի մոռանամ այս օրերը, միշտ կը յիշեմ այս օրերը: Թող բոլոր աստուածները հաւաքւեն զոհի շուրջը, միայն թող Բէլը չը գայ, որովհետեւ նա էր անմտութեամբ հեղեղ ուղարկողը և իմ մարդկանց կորստի մասնողը:

Երբ այնուհետեւ մօտեցաւ Բէլը և տեսաւ նաւը, որի մէջ փրկւել էր Քսիսուլթրը, նա սաստիկ կատաղեց, նրա սիրտը գայլոյթով լցւեց աստուածների դէմ: Թէ ով է փրկւել Քսիսուլթրին:

Այն ժամանակ էան բերանը բաց արաւ և դիմեց պատերազմասէր Բէլին.

—Ի՞նչ աստուածների հօր գօրավարն ես: Բայց ի՞նչ պէս կարող էր մտքովդ անցնել մի այսպիսի խելառութիւն, ի՞նչպէս կարողացար հեղեղ ուղարկել: Թող մեղաւորը պատիժ կըէր իր մեղքերի համար, թող չարագործը տուժէր իր չարութիւնների համար: Բայց սղորմած լինէիր՝ թող բոլորը չը կորչէին խնայելի՞ր՝ թող բոլորը չը ոչնչանային: Հեղեղի փոխարէն, թող գային առիւծները և քշացնէին մարդկանց թիւը, հեղեղի փոխարէն թող գային վագրերը և քշացնէին մարդկանց թիւը. հեղեղի փոխարէն թող սովը գար և անմարդացնէր երկիրը, թող ժանդախտը գար և աւերէր նրան: Բայց թող ջրհեղեղը չը լինէր:

Այն ժամանակ Բէլը ուշքի եկաւ: Նա առաւ Քսիսուլթրի ձեռքից, մտաւ նաւը, և հետը ներս տարաւ նոյնպէս և նրա կնոջը. և այնտեղ երկուսին էլ իր առաջ շոքեցրեց: Եւ կանգնեց նրանց մէջ և օրհնեց այսպէս.

—Մինչև այսօր Քսիսուլթրը մահկանացու էր, այսու-

հետև նա և իր կիսը կը լինեն ասուածներէս նման: Թող Քսիսութըը յաւիտենական ապրի հեռու աշխարհում, գետերի բերանի մօտ:

Երկար սպասեցին Քսիսութըին և նրա կնոջը զոհարանի մօտ այն մարդիկ, որոնք ազատել էին նաւի մէջ ջրհեղեղից, և չը գիտէին թէ ի՞նչու է Քսիսութըը ուշանում: Եւ բարձրաձայն կանչում էին նրանց: Եւ ահա մի ձայն լսեց երկնքից, որ նրանց ասում էր. «Իզուր միք որոնիլ Քսիսութըին և նրա կնոջը. իզուր միք կանչիլ նրանց անունները: Բարեպաշտութեան համար ասուածները նրանց վերացրին, և նրանք ապրում են հիմա մեզ հետ»:

Երբ մարդիկ հարցրին թէ ո՞ր երկրումն են գտնուում իրենք, վերեկից նրանց պատասխանեցին.

— Իուք Հայաստանումն էք: Գնացէք այստեղից դէպի հարաւ:

Նրանք էլ հնազանդեցին հրամանին, զոհեր մատուցին ասուածներին և զաղթեցին հարաւ, Բաբելոն:

Այսպէս վերջացաւ ջրհեղեղը և մարդիկ նորից բազմացան:

Կորդուաց լեռներում ցոյց էին տալիս այն Արարող լեռը, որի զագաթին կանգնել էր նաւը: Ասում էին թէ այնտեղ անվնաս մնում էր նաւի մի մասը. բարեպաշտ մարդիկ բարձրանում վերցնում էին նրա փայտից կամ պոկում էին կուպրից մի կտոր, հաւատում էին թէ այդ փայտը կամ կուպրը փրկարար դեղ է և բազմաթիւ հիւանդութիւններից և ցաւերից մարդուն բժշկում է:

Իսկ ո՞րտեղ է ապրում Քսիսութըը:

Մինչև այսօր էլ հայ ժողովրդի մէջ ծերերը երկիւղածութեամբ և ակնածութեամբ հայեացք են ուղղում Մասիսի ձիւնապատ գագաթին և ասում.

— Տեսէք, այն փայլփլուն ձիւների մէջ է ապրում ծերունի Նոյը անմահական կեանքով: Երբ Մասիսի գագաթին ամպեր են կուտակուում, այդ Նոյն է, որ իր կառքով զբօսնում է այնտեղ, այդ՝ նրա ձիւերի սմբակների տակից սպիտակ փոշին է բարձրանում: Իսկ երբ լեռան գլուխը պսպղում է հազար ու մի կայծերով, այդ Նոյի պալատն է, որ արևի ճառագայթներից շողշողում է իր անթիւ անհամար ակներով:



С уважением к Вам
Искренне
В. П. С. С.

У. П. С. С.
7/21 - 1922
Искренне, Мясной и на
У. П. С. С.

Հայաստանի Հանրապետության
Կրթության նախարարության
Հայաստանի Հանրապետության
Կրթության նախարարության

Հայաստանի Հանրապետության
Կրթության նախարարության

« Ազգային գրադարան »



NL0413927

